

遼史紀事本末

遼史紀事本末卷十九

賜封資政大夫特賞內閣中書前江西峽江訓導萍鄉李有霖編纂

宋初和戰

穆宗應歷十年春正月宋太祖稱皇帝

改異李燾長編云建隆元年

年四月契丹入侵棣州刺史何繼筠追破其衆於固

安獲馬四百匹繼筠以河南人注作太原人居北邊前

後二十年知敵情屢以少擊衆夏五月宋潞州叛歸

契丹畏服多畫像祀之史未載夏五月宋潞州叛歸

漢李筠聞宋受禪欲拒命北漢主知其有異志以太原

書誘筠筠執監軍周光遜李廷玉遣其教練使劉繼

冲及判官孫均舊第在北漢納欵求援光遜德威子廷

玉嗣昭孫均有舊第在晉陽北漢釋之厚賜遣還第

北漢主將謀於契丹繼冲辭從之主行至太平驛筠

迎謁言受周恩主不悅因使盧贊監其軍與筠有隙

遣衛融詣軍中和解太平驛在潞州府長治縣西歐

通史紀事本末卷十九

史云筠遣繼冲等奉表稱臣於北漢主自將出團柏谷趙華諫不聽後兵敗宋獲衛融致書求光邈等還約亦歸融不報薛應旂通鑑云筠起兵北漢主以蠟書結筠筠執監軍光邈等送北漢吳任臣十國春秋劉繼冲作劉忠漢封筠爲西平王筠見主儀衛不備非如王者心甚悔之漢尋遣河陽節度使范守圖援筠華榮陽人官僕射平章六月宋兵圍漢石州庚申事贊官宣徽使所載各異

遣大同節度使阿拉原作率四部往援詔蕭思溫以三部兵助之時爲南京留守秋七月己亥朔宋兵克石州潞州復歸宋攻異東都事畧云時石守信爲歸德節度與高懷德率前鋒破筠於長平斬首三千級復敗其衆於澤州以功加平章事宋史守信開封浚儀人懷德字藏用常山人行周子太祖紀澤州之戰擒僞節度范守圖殺北漢援兵之降者數千明年九月契丹吉里來降史未載李燾長編云石守信等破筠軍三萬於澤州南獲范守圖殺盧贊筠遁入澤州嬰城自固六月上至澤州督諸軍

攻城王全德王廷魯相繼出降賊勢轉蹙都指揮馬
全義先登克其城筠赴火死獲衛融不屈釋之授太
府卿進攻潞州筠子守節以城降赦之拜團練使筠
妾劉氏走為守節購得遺腹生子卒為筠後北漢主
聞筠敗遁還上命元城李繼
勳為昭義節度使所載較詳

十三年春正月丙寅宋欲城益津關命南京留守高

勳統軍使崔延勳以兵擾之

攷異畢沅續通鑑云八月遼幽州岐溝關使柴

廷翰等來降閏十二月永安節度使折德展敗遼師
數千於府州城下獲其衛州刺史楊璘史未載東都
事畧云德展破太原兵數千於城下擒其將
楊璘所載又異府州唐置今葭州府谷縣是

十四年春正月宋侵漢二月壬子詔西南招討使特

烈

原作撻烈

進兵往援漢尋敗宋兵於石州

十六年春正月

攷異畢沅續通鑑云正月遼侵易州
監軍任德義擊卻之三月遼天德節

度使于延超之子來降宋史太祖紀作延超與其子
降李燾長編延超子名仁愛詔拜延超爲右千牛衛
大將軍領天德節度使是年五月契丹橫海節度使
桑進興來降拜左千牛衛將軍彭百川太平治迹統
類五月作六月桑進
興作桑興史均未載

十七年春二月甲子高勳奏宋城益津關請以偏師

擾之從之

攷異動傳宋畧地益津關勳擊敗之按是
年宋未嘗畧地也從穆宗紀爲是宋史太

祖紀四月北漢石盆寨招收巡檢使閻章以寨降五
月指揮樊暉以鴻唐砦降契丹國志云春三月五星
聚奎夏六月朔
日食紀均未載

十八年冬十月辛亥朔宋師圍太原詔特烈爲兵馬

總管發諸道兵救之

攷異薛應旂通鑑云北漢主繼
元遣使告卽位於遼且乞師遼

遣塔魯救之宋亦詔諭北漢令降以平虜節度使投
之又別賜郭無爲詔許以邢州節鉞無爲勸納欵不

從李繼勳等聞遼師至季引還所載較詳又明年三月宋帝自將圍太原五月以暑雨班師九月遼涿州刺史許周瓊來降仍授刺史十月遼將王甲以豐州降又錫里裕魯等十六族來歸彭百川太平治述統類云豐州刺史王仲晏上言契丹日利月利等十六族歸欵以其大酋領羅媒四人為懷化將軍羅侈八人為懷化郎君餘八十五人為歸德司戈李肅長編云本紀作王重安名號無可考削不書而王甲以豐州降即命其子承美為豐州衙內指揮使史均未載

景宗保甯二年春正月丁未如潢河夏四月幸東京

六月還上京攻異畢沅續通鑑云冬十月遼聚六萬騎攻定州帝命田欽祚領兵三千禦之

與戰於滿城遼騎小却乘勝至遂城欽祚馬中流矢而踣騎士王超以馬授之軍復振殺傷甚眾夜入保

遂城遼圍之數日欽祚開南門突出不亡一矢北邊傳言三千打一契丹首其精兵不過十萬止費二百萬

十匹絹易一契丹首其精兵不過十萬止費二百萬

緒則敵盡矣自是蓋修邊備王鞏隨手雜錄云太祖

一日出幽燕圖示趙普普曰此必曹翰守乃可帝曰何
如普曰舉必克之須世世得曹翰守乃可帝不語攜
圖而入不復言幽燕之計王存元豐九域志云宋以
幽州爲化外州安東上都護府領羈靡州十四彭百
川太平治述統類云太祖別置封樁庫嘗密謂近臣
曰石晉苟利於己割幽薊以賂遼使一方之人獨限
境外朕甚憫之欲俟司庫滿三五五十萬卽遣使於遼
約苟歸土地民庶卽盡此金帛充其贖直否則散滯
財募勇士俾圖攻取耳會晏駕不果王闢之渢水燕
談云柳仲塗守甯邊今博野地結客白萬德使說其
酋豪將納質約誓以爲內應掩其不備疾趨直取幽
州會仲塗易地不果河朔之人至今爲憾吳處厚青
箱雜記云曹翰平江南後歸環衛值內宴羣臣賦詩
翰乞應詔命以刀字爲韻立成詩曰三十年前蘊六
韜英名常得預時髦會因國難披金甲不爲家貧賣
寶刀臂健尙嫌弓力軟眼明猶識陣雲高帳前昨夜
霜風起差覩盤花舊戰袍太宗惻然驟遷數級契丹
國志滿城作蒲城且載於三年冬欽祚潁州汝甯人

三年春正月辛酉南京統軍使魏國公韓匡美封鄴

王攸異畢沅續通鑑云正月癸亥遼兵侵易州監軍任德義擊卻之史未載

六年春三月宋遣使請和以涿州刺史耶律昌珠

作攸異孫逢吉職官分紀加侍中與宋議和職官

分紀云開寶七年契丹涿州刺史耶律琮胎書知雄

州孫全興請講好宋史太祖紀云七年十二月命知

雄州孫全興答涿州修好書契丹國志繫於乾亨元

年冬乃保甯七年為宋開寶八年也與史異耶律和

卓傳云拜涿州刺史宋數遣人結歡兼達和意和卓

表聞帝許之和卓原作台尤或係一人字諾木袞太

祖弟特爾格之孫安邊懷敵多有力焉畢沅續通鑑

載琮胎書畧云兩朝初無纖隙若交馳一介之使顯

布二君之心用息疲民長為隣國不亦休哉是年七

月遼軍器庫副使石重榮東頭供奉官劉琮來降授

官有差史均未載通鑑輯覽云據宋史遼先貽書通

和而景宗紀則書宋遣使請和蓋諱之也汪輝祖遼

史同名錄云卷二十二道宗清甯九年十月和卓知

北院大王事和卓亦作台尤又本卷咸雍二年西京

遼史已詳本末

卷十九

四

通鑑綱目卷之六

留守為南院大王卷九十三蕭頁魯傳

七年契丹國志是年即春正月甲戌朔宋遣使來賀

夏四月遣郎君舒蘇攷異蒙古語高梁也舊作矧思今譯改宋史作克沙骨

官分紀作克實克舒蘇東都事畧作克沙骨使宋攷異

畢沅續通鑑輯覽作格什古星什紀載各異

使郝崇信至境上迓之及至館於都亭驛已亥入見

宴於長春殿賜衣器有差又史作四月而契丹國志

作三月各異李燾長編云先是涿州貽全興書云遣

使克卜茂固舒蘇至是發書但云克舒蘇或曰克其

官號又曰其姓氏也宋史太祖紀云三月己亥契丹

使至召見於講殿觀習射八月王戌契丹遣耶律霸

德等致御衣玉帶名馬十一月遣耶律烏正來賀正

刑文慶賀契丹正旦十二月遼遣耶律烏正來賀正

旦按為霸德副者尚有雅勒呼王英令從獵近郭上

親射走獸矢無虛發使者俯伏呼萬歲私謂譯者曰

皇帝神武無敵射必命中所未嘗見也又邢文慶一

作鄂大度鳥正作鳥鎮為副者尙有
蕭吁暗固陳延正見長編史均未載

八年春正月癸酉宋遣使來聘秋七月辛未復遣使

來賀天清節攷異宋史太祖紀云遣閣門使郝崇信

月又是年二月契丹遣耶律延甯來賀長春節五月

遣田守奇如遼賀生辰王云海云開寶九年二月契丹

賀長春節獻御衣名馬二匹鞍勒副之馬百匹白鵲

二太平興國二年二月遼使貢御服金玉帶玉鞍勒

馬金銀飾戎仗馬百匹賀上登極別貢御服金帶鞍

馬為賀正禮十月辛酉獻良馬方物李燾長編云延

甯來賀毅州刺史史珪坐漏洩省中語出為光州刺

史為田守奇副者尙有房彥均按玉海謂誕節名始
於唐開元十七年宋太祖節名長春太宗乾明又曰
壽甯真宗承天仁宗乾元英宗壽聖神宗同天哲宗
興龍徽宗天甯欽宗乾龍高宗天中孝宗會慶光宗
重明甯宗瑞慶理宗天基度宗乾會又章獻后曰長
甯宣仁后曰坤成恭聖仁烈后秋九月壬午宋侵漢
日嘉慶又呂端字易直餘慶弟

命南府宰相耶律沙冀王迪里

原作敵烈

赴援宋師退

冬十一月丙子宋太祖崩弟晉王即位

攷異景宗紀書弟昞自立

按太宗改名在太平興國二年二月遼史乃預書之耳

遣使來告遣郎君旺祿

原作王六攷異畢沅續通鑑作旺陸

塔瑪

原作撻馬

訥默庫

原作湜木古

等使宋

弔慰十二月壬寅遣蕭哲庫

原作只古

馬哲賀宋即位

攷異

畢沅續通鑑云遼遣蕭巴固濟來聘注云舊作哲古馬哲宋史太祖紀時遣著作郎馮正佐郎張玘使契

丹告哀史未載

九年春二月庚子宋遣使致其先帝遺物

攷異畢沅續通鑑云

二月遼遣使來賀即位及正旦三月置威勝軍許遼

人互市王存元豐九域志云治銅鞮縣曾鞏隆平集

云於潞州亂柳石園中為軍與地廣記威勝軍五代

前地理與潞州同太平興國二年置威勝軍併沁州

入焉縣四銅鞮武鄉沁源縣上李燾長編云初契丹
在大祖朝雖聽沿邊互市而未有官司於是始令鎮
易雄霸滄州各置權務命常參官與內侍同掌輦香
藥犀象及茶與相貿易熊克九朝通畧云後有范陽
之師乃罷不復
通紀均未載
秋七月甲子復遣使來聘
二年四月契丹耶律做來會葬尋遣辛仲甫報謝之
主問曰聞中朝有黨進者真驍將如進比有幾人仲
甫曰名將甚多如進鷹犬材何可勝數主欲留之仲
甫曰信以成命義不可留有死而已主知其不可奪
厚禮遣還見本傳按契丹國志耶律做時官鴻臚少
卿仲甫起居舍人爲副者右贊善大夫穆波時宋將
用兵攻北漢漢倚遼爲援仲甫遲留境上未敢進宋
詔趣行史均未載畢沅續通鑑穆波作穆被云仲甫
還帝謂左右曰仲甫遠使絕域練達機宜可謂不辱
君命矣黨進朔州馬邑人仲甫字之翰汾州孝義人
李燾長編云是年十月契丹遣使耶律阿移爾來賀
乾明節幸京城西北隅視衛士與契丹使馳射又召
近臣及劉銀與李煜
契丹使宴射苑中
冬十一月乙巳遣太保塔喇噶

通鑑纂要卷之二十一

原作造等使宋攷異李燾長編云十一月契丹遣太

烈烈旦畢沅續通鑑云十一月甲午命監察御史李濱

問門祗候鄭偉賀契丹正旦宋史李濱作李濱

乾亨元年春正月乙酉遣塔瑪原作長壽攷異卷十

公主同使宋問興師之故攷異畢沅續通鑑云時北

名長壽納重幣以求丙申長壽還言河東逆命所當問罪若

援紀未載

北朝不援和好如故不然則戰攷異契丹國志宋太

絕錢大昕云明年太宗親征幽州不克南北不通使

者二十年二月丁卯漢乞援命南府宰相耶律沙本傳

五年隱總南邊事宋攻河東將兵救之有功加為都統冀

太保嗣屢侵宋兵敗坐誅以皇后救免

王迪里攷異索倫語頭目也為監軍赴之又命南院

舊作蔽烈今譯改

大王耶律色珍

原作斜軫

以所部從樞密副使穆濟

攻異滿州

語大麥也舊作抹只今譯改本傳字留隱仲父隋國

王後歷官開遠節度聖宗統和元年抹只兼待中為

東京留守督之三月丙戌詔北院大王希達

原作奚底孟父

係一人房楚國伊實

原作乙室

王薩哈勒

攻異滿州語小圍也舊作撒合今譯改字綏蘭

王之後伊實

伊實部人南府等將兵戍燕丁酉耶律沙等與宋師

宰相烏魯斯子戰於白馬嶺不利冀王迪里等皆死之

攻異契丹國志謂在石嶺

關之南一云在忻州西南方輿紀要云在孟縣東北

二十里石嶺關在太原府城東北與忻州接界東都

事畧云時郭進控石嶺關擊敗契丹援兵田欽祚護

其軍恣為姦利以他事侵進進剛直不能辨自經死

較詳時沙將兵至白馬嶺阻大澗遇敵沙與諸將欲

待後軍至而戰迪里穆濟等以為急擊之便沙不能

奪迪里等渡未半爲宋人所擊兵潰迪里與其子幹

格攷異畢沅續通鑑作華格一作汪哥沙之子德里攷異畢沅續通鑑作德琳一作德音

及圖魯卜原作突呂不部節度使攷異畢沅續通鑑作令袞一作公

作令圖敏原作敏黃皮室詳袞原作穩唐古攷異滿州語百數也舊作

唐筭今等五將均戰死士卒死傷甚衆會召珍兵至

萬矢俱發敵始退夏六月漢劉繼元降宋甲子

宋來侵丁卯北院大王希達統軍使蕭托果攷異蒙古語釜

也舊作討古今譯改字伊實王薩哈勒擊之戰於沙

河攷異續通考云在順天府境霸州城南與唐河合

又幽之潤縣亦有沙河源自灤州西北流經縣東南入海又沙河在廣平府城北五十里上從沙河縣界

流入永年縣西北境下達雞澤縣界與洛河合又沙河
自大名府境西南引漳河入城北三十五里復出遼州
灌行沙河經洛河在廣平府城入永平縣北境至雞
太沙河合明武安縣東沙河北源出復州衛東得利羸
與山經流本衛城南合麻河西流入復州衛又清河源
蓋州衛分水嶺西南經城南名州南河又西流合泥
河入海蓋州本高麗蓋牟城渤海改爲蓋州又改辰
州遼爲奉國軍治建安縣薛延龍全遼志云在遼陽
城南二百四十里祝穆輿地要覽云蓋州本唐地後
屬契丹有東山白狼山通鑑輯覽謂沙河爲易水亦
曰北瀋源出易州西北逕定興縣爲沙河合中易水
入拒馬河按易水在安州城北興縣境曹河徐河石
橋河一畝泉河滋河沙河鴉兒河唐河諸水至此合
流爲易水又至雄縣南爲五濟河過直沽入海燕太
子送荆卿處又雄河在雄縣南三河與易水合亦見
續通考紀國兵失利攷異薩哈勒三河與易水合亦
載各異紀國兵失利攷異薩哈勒三河與易水合亦
果逆戰希達等敗走獨薩哈勒全軍還帝嘉之卿等
傳時與希達拒宋軍潰退屯清河帝責之卿等不

嚴偵候用兵無法遇敵即敗奚以將為托果懼俄援
兵至托果奮力敗宋軍降南京指揮使所載互異畢
沅績遙鑑云沙河之戰指揮傳潛孔守正先至擊之
後軍繼至大敗希達軍生擒五百餘人所載較詳

己巳宋軍圍南京秋七月癸未耶律沙等及宋兵戰

於高梁河在宛平縣西水經注高梁水出薊城西北

史太平寰宇記云高梁河在薊縣東四里有橋攷異樂

乾河孫國枚燕都游覽志云玉泉山有巨穴泉散而

上淙淙有聲或名之噴雪泉梓溪集云京師形勢以

堪輿家論之玉河之水當直出合南海子從天地壇

前轉東入潞河方為自然崇文門外開河宜塞之庶

幾左臂不斷此乃帝王建都萬代之計也陳全之達

胞日記云北京青龍水為白河出密雲南流至通州

城白虎水為玉河出玉泉山經大內出都城注通惠

河與白河合朱雀水為蘆溝河出大同桑乾入宛平

界出蘆溝橋元武水為濕餘高梁黃花鎮川榆河俱

繞京師之北而東與白河合水經注雖有高梁無上

源之說而茲水實承西山玉泉之委輸為玉河經流

蔣一葵長安客話謂高梁源發西山者是也而蓬窗
日記誤分高梁玉河爲二且以高梁屬京兆非是見
日下舊聞考績通考云玉帶河在寶定縣北東流入
會大通河大通河舊名通惠水自玉河出繞都城東南
經大通橋流通至高麗莊入白河白河自密雲南至牛
欄山與潮河合流至通州入直沽一名白遼河潮河
在寶坻縣東一名白龍港源自黎河洶河鮑邱河至
寶坻山三义口合流爲潮河入海又密雲縣東南有
潮河下流至順義縣界合白河黃花鎮川源自塞外
流入黃花鎮口經昌平至懷柔入白河沽水一名西
潞水一名東潞水源自塞外丹花嶺合九泉水南經
安樂故城西南與螺山水合爲東潞河又磁河源自
故城西與鮑邱水合爲東潞河至寶定縣爲磁河入直
沽紀載少卻休格休哥色珍橫擊大敗之太宗僅以
各異身免至涿州竊乘驢車遁還
幽薊諸將不欲行用崔翰言意遂決六月次東易州
刺史劉宇以城降次涿州判官劉厚德亦以城降進

園幽州以潘美知行府事契丹將多降七月順州劉
延義薊州劉守恩皆降耶律學古時守燕悉力備禦
不能支城中洶懼帝與沙等戰沙敗將遁適休哥斜
軫兵至復戰大敗死者數萬餘人命劉廷讓李漢瓊
等屯真定而還江隣幾雜志云宋帝自并幸幽乘敵
無備遼主方獵遁歸牙帳議棄燕薊守松亭虎北口
裕悅請兵十萬救幽州王鞏聞見近錄云時敵空山
後遁裕悅請兵五千當王師許之契丹國志云于越
遜甯號舍利郎君率兵並西山薄幽陵人夜持兩炬
朝舉兩旗夜從他道自宋軍南席捲而北宋師遂返
不復追朱昆日下舊聞補遺云裕悅之救幽州據王
鞏所記止五千騎如江休復言既擁十萬師何用人
持兩炬兩旗以爲疑兵乎未免自相矛盾矣又稱裕
悅爲錫里郎君攷百官志錫里司掌皇族軍政無郎
君之官而各院局郎君又無名錫里者皆誤也又遜
甯係休哥字劉厚德亦作劉原德東易州當在定興
安肅界劉廷讓守文之孫范陽人崔翰字仲文京兆
萬年人漢瓊洛陽人李燾長編云東易州卽岐溝關
也孔守正先入說劉禹以城降詔祁延朗守關城召
守正赴行在初上次定州使祀北嶽作悲陷蕃民詩

命從臣和次涿州劉原德降命楊恭知州事拜原德
右贊善大夫次幽州駐蹕寶光寺親率兵乘城斬首
千餘級餘黨遁末幾班師以石守信督前軍失律貶
崇信節度餘劉遇史珪悉貶官畢沅續通鑑劉宇作
劉禹劉延義作劉延素云休格被三創戰益力後竟
以創不能窮追宋蓋有天幸焉所載各異蕭幹傳字
轄里宰相敵魯子初不從察克亂拜林牙歷北府宰
相高梁河之戰幹與休格併力擊敗之上手勅慰勞
加政事令時后以父呼幹及爲太后后稱制數陳便宜
多見用按后係思溫女幹與后兄弟行父恐係兄之
未載所獲兵仗糧餉不可勝計辛丑沙遣人上俘獲
詔將士分別爵賞降罰有差改異東都事畧云是年
隨寇石嶺關以擾太原爲郭進所敗河東平遂北征
勒兵幽州而還時曹翰攻城東南隅卒掘土得蟬以
獻翰曰蟬水物而陸居失所也多足敵將至不可
進拔之象且蟬者解也其班師乎已而果然初至幽
州翰爲東路濠寨總管善風角一夕角聲送風至帳
促令環帶曰寇至之兆也未幾至大敗之於城下見

遼史紀事本末

卷十九

十

釋文瑩王壺清話王海云帝駐蹕城南敵不敢居城中
有萬餘眾屯城北帝率兵乘之斬千餘級餘黨遁
王申命諸將攻城旬有五日以卒疲食盡七月壬申
班師均未言敗李燾長編亦同蓋諱之也潘永因宋
稗類鈔云太宗圍幽州城夜大風軍中虛驚南北軍
皆潰諸將不知上所在惟節度高瓊隨翼日上欲誅
諸將因瓊諫而止後出宣仁后爲天下母人以爲陰
德之報王銍默記云駕至幽州四面攻城而師以平
晉不賞又攻燕遂軍變太宗與所親厚夜遁得錢俶
殿乃得脫後神宗語及北邊事曰太宗厚軍潰僅得
凡行在服御寶器被掠從人宮嬪盡陷沒上中兩箭
歲歲必發其棄天下亦以箭瘡發云畢沅續通鑑云
帝次金臺驛聞歸師大潰命崔翰往撫之衆遂定金
臺驛在今清苑縣王鞏聞見近錄云前此柴世宗畫
御河爲界敵未嘗敢犯邊自爾日尋干戈至澶淵之
盟方息御河蓋世宗運漕河也王得臣塵史云富鄭
公嘗爲余言永熙討河東旣下欲乘勝復薊門咨於
衆參政趙昌言曰自此取幽州如燕繳翻餅耳殿前
都指揮呼延贊爭曰書生之言不足盡信此餅難翻
永熙竟趨幽燕卷甲而還卒如贊言鄭公謂余曰武

臣中蓋亦有人矣長編注謂昌言參政在雍熙四年
距此凡九年又興國四年無為參政者得臣誤甚或
呼延贊實有是言此時尚為鐵騎指揮使連白進超
實為殿帥崔翰為殿候所云殿前都指揮使連白進超
誤也事畧又云帝命翰知定州會李漢超崔彥進等
破契丹於徐河投西山坑谷者不可勝計俘馘數萬
他物什倍進博野人漢以權知南京留守韓德讓權
超雲中人史均未載

馬步軍都指揮使耶律學古

字伊實揚裕悅幹庶孫
攻異皇族表幹孫特哩

衣學古東路統軍使烏爾古巴原作烏古不按卷八
十八烏不呂傳學古之弟以功為東路統軍都監因
德讓薦為統軍使弟果囉知三司事劉宏能安人心
是烏古不即係烏不呂

捍城池並賜詔褒獎

攻異畢沅續通鑑云宋攻城德
讓懼甚與宏日夜守禦城中人

懷二心會指揮李札勒燦出降益懼御蓋郎君學古
赴救穴地以進計安反側隨宜備禦不少解聞援師
至開門列陣呼聲震天地宋大敗以德讓為遼
興節度使學古遙授保靜節度使所載較詳
九

月己卯命燕王韓匡嗣爲都統南府宰相耶律沙爲

監軍特哩袞

原作楊隱

休格南院大王色珍權奚王穆濟

等分道南侵冬十月乙丑韓匡嗣與宋兵戰於滿城

敗績辛未太保舒蘇敗宋師於火山乙亥詔數匡嗣

罪赦之宴賞休格及有功將校

九月契丹遣韓匡嗣

等寇鎮州報圍燕之役軍於滿城西方陣官軍詐降

匡嗣納之休哥諫不聽俄而劉廷讓陣於前崔彥進

潛師躡其後李漢瓊等繼至合擊契丹軍大潰追至

遂城大敗之斬首萬三百級獲三將馬萬匹匡嗣棄

旗鼓遁獨休哥整衆退畢沅續通鑑云先是帝以陳

圖授諸將敵至分入陳及軍次滿城遼師大至因趙

延進及李繼隆言改爲二陳前後相副以是獲勝所

載較詳按耶律穆濟傳匡嗣軍潰穆濟獨部伍不亂

徐整旗鼓而歸宋史太宗紀十一月忻州言與契丹

戰敗之關南破契丹斬首萬餘級李燾長編云十一

月契丹於代州雁門西陁護國南川置寨折彥贊與
董思愿劉緒侯美追擊大敗之俘獲甚眾嵐州言三
交口破契丹千餘眾阮閱詩話總龜云工部郎中王
矩本燕人爲耶律某掌書記某之兄及兄之子興國
中戰歿於大郡後某經舊戰處題詩矩記其兩句
曰父子盡從蛇陣沒弟兄空望雁門悲史均未載

二年春正月丁亥以休格爲北院大王通鑑云初北

漢劉繼業素驍勇繼元降繼業欲據城苦戰帝令繼
元招之乃釋甲來見復姓楊氏止名業授領軍衛大
將軍尋拜鄭州防禦使本楊重貴太原人重勳之兄
北漢世祖賜姓名李燾長編云據國史本傳謂孤壘
甚危業勸其主出降其投官制辭曰百戰盡力一心
無渝疾風靡搖迅雷罔變知金湯之不可慮玉石之
俱焚定策乞降委質請命忠於所事善自爲謀與路
振九國志異按五代史當時垂涕勸繼元出降者止
馬峯一人非業也若果勸降則當與繼元俱出見何
用別遣中使召乎然投官制辭不應云爾更須考之
薛應旂通鑑云是年三月代州刺史楊業敗契丹十
萬兵於雁門殺其駙馬侍中蕭咄李獲都指揮李重

誨自是契丹畏業望見旌旗即引去主將多嫉之潛
上謗書帝封付業宋史太宗紀書作潘美事且繫之
二月王宗沐續通鑑咄李作卓琳通鑑輯覽作
緯里特畢沅續通鑑作多囉各異史均未載 冬

十月辛巳將南侵祭旗鼓癸未次南京己亥圍瓦橋

關十一月庚子朔宋兵夜襲營蕭幹原作幹時官圖魯卜部節度使

及耶律赫德改異滿州語渣滓也原作痕戰卻之王

寅休格敗宋兵於瓦橋東守將張師引兵出戰休格

奮擊敗之斬師餘眾退入城戊申宋兵陳於水南休

格涉水擊破之追至莫州殺傷甚眾己酉宋兵復來

擊之殆盡丙辰班師還次南京尋拜休格為裕悅大

饗軍士攻異契丹國志云十一月帝進攻關南宋河陽節度使崔彥進禦之遼師失利十二月宋

太宗親征至大石遼師遁遂班師畢沅續通鑑云帝
次長垣縣關南言大破契丹萬餘眾斬首三千級遼
主引兵還李燾長編云十一月契丹寇雄州搦使
荆嗣擊走之俘獲甚眾十二月交州行營言破賊萬
餘眾斬首三千餘級宋史太宗親禦契丹次大名諸
軍與之大戰於莫州敗績時欲復伐幽州李曉力陳
其未可乃命劉遇曹翰爲部署而還時張齊賢亦上
疏勸其先本而後末安內以養外帝嘉納之釋文瑩
玉壺野史云太宗將蒐漁陽李昉上疏力諫詩頗切
直昉居常奏事雍容和婉此疏上士論駭服後北伐
果無成太宗嘉許始厚賜之所載各異齊賢曹州冤
句人昉深州饒陽人江少虞宋事類苑云時遼寇高
陽關太宗禦之賦詩有鑾輿臨紫塞朔野凍雲飛之
句次大名又賦詩示行在諸臣曰一箭未施兵馬退
六軍空恨陣雲高遂甯令何濛獻詩召對授贊善釋
文瑩玉壺清話濛作蒙詩云塞日穿痕斷邊雲背影
飛又云縹緲隨黃屋陰沈護御
衣且進鑾輿臨塞賦帝嘉賞

三年春二月丙子東幸己丑復幸南京

攷異宋史太
宗紀正月易

州破契丹數千衆五月平寨軍與契丹戰敗之七月
帝欲大舉伐契丹遣使至高麗亦然薛應旂通鑑云渤海本高麗
者尋遣使至高麗亦然薛應旂通鑑云渤海本高麗
別種契丹嘗取其扶餘城爲東丹國帝將大舉伐契
丹遣使賜其王詔書令發兵以應約滅遼之後幽薊
土宇復歸中朝朔漠之外悉與渤海竟無至者時以
詔賜定安國王定安本馬韓別種其王烏元明數苦
遼侵得詔令張特角之勢王大喜附女真進表優詔
答之洪皓松漠紀聞云古肅慎城四面約五百餘遺
堞尙存在渤海國都三十里玉海云安定爲契丹所
破保於西鄙開寶六年國王烈萬華因女真遣使入
朝附表貢方物端拱二年獻馬雕羽涓化二年貢名馬
表後不復至女真渤海別種建隆二年八月貢名馬
至興國凡九入貢李燾長編云太平興國六年易州
之戰斬首三百級馬三百匹器甲千計尋建易州太
保寨爲平寨軍潘美襲固安降之在三交西北三百
里積粟屯兵敵不敢侵邊民以安五月契丹侵平寨
軍擊走之殺獲甚衆尋又言破契丹萬餘衆又載賜
渤海詔書曰聞爾國本爲大藩近年頗爲契丹所衛
爾迫於兵勢屈膝事之譏慝茲多誅求無已雖欲報

怨力且不能所宜盡出族帳助予攻取俟其翦滅當
行封賞幽薊土宇復歸中朝沙漠之外悉以相與九
月易州白繼贊破契丹於平寨軍北
斬首二千級俘獲甚眾史均未載

四年夏四月景宗自將南侵宋至滿城戰不利守太

尉奚幹里原作五里攷異畢沅續通鑑作達里中流矢死統軍使耶律

善補攷異畢沅續通鑑作善布本傳字瑤昇孟父房

故嶺西川郡多為伏兵所圍樞密使色珍救免詔以

失備杖之五月班師攷異契丹國志云五月遼分三

通鑑云三交行營言潘美敗契丹於新澤若獲其將校

三十六未幾府州折御卿破之於雁門追破其壘

百餘於是遼三道之師皆敗李壽長編云契丹三萬

騎分三道一襲雁門潘美破之斬首三千級俘老幼

萬口牛馬五萬計一趨高陽關崔彥進破之斬首七百

級羊馬萬計一趨高陽關崔彥進破之斬首二千級

通史紀事本末

卷十九

古

羊馬數萬方輿紀要云是年高陽關鎮將奏敗契丹於唐興口因置唐興砦尋建爲順安軍在今安州東南二十里宋史唐興之戰爲秋九月庚子幸雲州王崔彥進紀要失書史均未載

子次焦山崩引契丹國志以爲在三月疑係傳聞之誤焦山在今朔平府左雲縣東南

子梁王隆緒卽位尊母蕭氏爲太后攝國政改元統和攷異王宗沐續通鑑云六月復國號大契丹史未載畢沅續通鑑云錢辛楣據興中故城釋迦舍利塔記其文有大契丹重熙十五年云云余攷李燾長編載仁宗與興契丹書云昔我烈考章皇帝與大契丹昭聖皇帝弭兵講好又王暉道山清話云契丹使者論國書中所稱大宋大契丹似非兄弟之國宜易以南北朝梁莊肅折之乃如故蓋道宗咸雍二年復稱大遼以前國書南北稱大契丹也孫淵如因欲每年分注於聖宗興宗兩朝均書契丹余謂統前後而計之不妨仍書爲遼但中間更改之

冬十二月辛酉南京留守荆王號不當沒而不書耳

道隱奏宋遣使獻犀帶詔以無書卻之

攷異宋史太宗紀是年閏

十二月豐州與契丹戰破之獲其天德節度使蕭太合二史觀之遼不書本國之敗績宋亦不書本國之請和又東都事畧云燕燕專國政以三萬騎入寇潘美擊敗之日利月利等十一族七萬餘帳內附降者又三千帳羊馬萬計李燾長編豐州之捷爲刺史王承美斬首二千級羊馬兵器萬數蕭太作韋太日利月利等族爲錫利裕增俗日威克約所載互異史均未書

聖宗統和元年春正月丙子以裕悅休格爲南京留

守總邊事壬午涿州刺史安吉奏宋築城河北詔休

格以兵撓之勿令就功并嚴邊備

攷異宋史太宗紀三月豐州奏破契

丹兵降三千餘帳李燾長編謂係刺史王承美擊破萬餘衆追北百餘里至青塚斬首二千級降者三千帳獲羊馬兵仗以萬計按豐州之捷未知卽係去冬事否史均未載

四年春三月宋遣曹彬字國華真定人崔彥進大名米信

本奚族由雄州道與地廣記云戰國屬燕唐屬涿易

字海進由雄州道二郡晉入遼周收復置雄州今爲

易陽郡縣二歸信田重進幽州飛狐道平寰宇記云

容城詳卷十八廣昌爲飛狐縣因縣北飛狐口爲名

隋仁壽元年改廣昌爲飛狐縣因縣北飛狐口爲名

又飛狐道自縣北入焉州懷戎縣界即古飛狐口也

漢書鄧食其說漢王曰杜白馬之津塞飛狐之口晉

中興書曰建興中劉琨自代北出飛狐口奔於安次

卽此道也方輿紀要云自恒山至代有飛狐之口倒

馬之關夏屋廣昌五回之險沈括夢溪筆談云北岳

常山今曰大茂山半屬契丹以分脊爲界岳祠舊在

山下今祠乃在曲陽祠北有望岳亭中多唐人故碑

殿前一亭中有李克用題名云親領步騎五十萬問

罪幽陵回師自飛狐路卽歸雁門今飛狐路在茂山

西自銀冶塞北出倒馬關度虜界却自石門子冷水

鋪入瓶形梅回兩寨之間至代州今此路已不通唯

北寨西出承天閣可至河東然路極狹太宗車駕自

太原移幸尙山乃由土門路至今有行宮閭若璩潛

邱劄記云舜典北岳恒山禹貢太行恒山疏曰恒山
在上曲陽西北爾雅兼殷制釋山曰河恒山恒山
方氏正北曰并州山鎮曰恒山注曰恒山在北曲
則舜當日早觀北諸侯於今曲陽大茂山之下非
經所稱今渾源之北岳水經注所稱之元岳慙慙
知也明一統志云恒山在渾源州南二十里即北岳
水經謂之元嶽厲鶚云岳祠舊在大茂山下石晉之
後稍遷近裏今其地謂之神柵則北岳自在上曲陽
遼史載無渾源之潘美字仲詢人楊繼業雁門道
祀也紀載各異潘美太原人楊繼業雁門道紀要
云雁門一名勾注山即西陁山在代來侵攷異休格
州西北二十五里有關最爲險要來侵傳宋將范
密楊繼業出雲州曹彬米信出雄易有范密而無岐
潘美而色珍傳又云楊繼業出代州所載各異岐
溝涿州固安方城縣今屬順天府西南百二十里本漢
州學宮東偏有尊經閣今護國仁王寺佛閣也有飛
翬尉兼管常平倉李成彥碑記見日下舊聞考鄺道
元水經注云固安東南逕韓城東詩韓奕章曰溥彼
韓城燕師所完即此王肅謂今方城縣有韓侯城世

遼史紀事本末

卷十九

六

謂寒號非也蘇志皋固安縣志武陽城在固安縣西北燕昭王所築法華寺在縣東二十五里石碣有云大遼國燕京涿州固安縣萬春鄉皇臺里鄉貢進士張希顏述考將仕郎試太子正字前守涿州司法參軍張翬書重熙間重修募緣碣有云時遷歲暮墮殘蟬竦之梁雨壞風摧打碎鴛鴦之瓦又云若抽鵝眼之資必值龍華之會等語又歸依寺在縣東北十八里遼天慶七年立幢大師塔在東徐村遼奉聖州司候判官給事郎試太子校書郎騎都尉蔡新城唐縣吝彥立碣有進士焦山等字天慶元年建新城今屬保定府攷異何濟新城縣志云時承諫墓在新城縣東北二里本遼人金贈鎮東節度使兼侍中金李晏時立愛墓誌銘曰公父諱承諫積累巨萬發倉貸人每折其券負郭沮洳常阻行路創石爲梁人得平步善慶攸鍾是生我公金史皆失攷異薛應旂通鑑云時立愛傳承諫作承謙誤曹彬等伐契丹初賀懷浦將兵屯三交好議邊事與其子知雄州令圖上言契丹主少母后專政罷倖用事請乘豐取燕薊帝信之以曹彬爲幽州都部署崔彥進副之米信爲西北道都部署杜彥圭副之田重

進爲定州都部署出飛狐潘美爲雲應朔都部署楊
業副之出雁門參政李圭諫不聽罷爲禮部侍郎三
月彬取固安新城二縣進克涿州殺其相賀正會米
信至又敗之於新城東北李燾長編云彬進壁涿州
東復與敵戰李繼隆范廷召等皆中流矢督戰愈急
敵遂敗乘勝攻北門克之取涿州彬旣入城遣部將
李繼宣等領輕騎渡涿河覘敵勢敵衆來攻擊破之
於城南斬首千級獲馬五百匹殺宰相賀正東都事
畧又作篤斯美畢沅續通鑑李圭作李至勸斯東都事
尙有文思使薛繼昭所載各異方輿紀要云三交城
名在太原府北五十里契丹所保多由此入寇今陽
曲縣北李至字言幾眞定人賀懷浦開封陳留人太
祖孝惠皇后兄李

詔宣徽使布琳

原作蒲領

馳赴燕南與

休格議軍事徵各道兵赴援復遣東京留守耶律穆

濟以諸軍繼進賜劍專殺丙子統軍使耶律頗德敗

宋軍於國安

宏簡錄云俘獲甚衆加檢校太師

休格絕其餉道擒將

吏獲車馬器械無算庚辰賓州

攷異通鑑地理通釋云職方考後唐明宗

置賓州與地廣記謂

唐末置領賓清一縣刺史趙彥章以城降宋

攷異李

云美自陞與敵戰勝之斬首五百級

逐北至賓州復

斬五百級指揮薛超金瘡被體部分自若

刺史趙彥

辛舉城降拜本州團練使宋史太宗

宋兵入涿州義

紀同方與紀要作楊業事史未載

順節度副使趙希贊以朔州降宋攷異李燾長編云

贊舉城降拜本州觀察使所載甚詳

時聖宗自將與太后駐兵馳羅口

在涿州

詔趣東征兵馬以爲應援壬午詔林牙勤德

守平州之海岸以備宋仍報平州節度使特哩袞

原作

迪里姑攷異汪輝祖遼史同名錄云卷一太祖紀七

年吐渾酋長卷四太宗紀會同元年郎君三人同名

姑里趣行癸未國兵與宋田重進戰於飛狐不利冀

州防禦使大鵬翼康州

地理志云世宗遷渤海率賓

宮後屬積慶宮

刺史馬贊

均攻異文獻通考李燾長編

指揮使何萬通被獲

攻異李燾長編云重進至飛狐

袁繼忠勸乘險逆擊之重進陣壓東偏數交鋒勝敗

未決命荆嗣出西偏薄山巖以短兵接戰斬數百人

進拔小治直谷二寨敵來攻嗣請譚延美列陳持白

旗於道自以所部疾驅出鬪契丹兵疑大軍繼至遁

去重進乘之生擒大鵬翼等并契丹渤海千餘人斬

數千級俘老幼七百馬畜萬計大鵬翼壯偉而勇健

名聞近寨既擒戎人奪氣後送至闕授平州刺史東

都事畧云重進時獲契丹渤海三千餘人斬首數千

級逐北四十里下飛狐丁亥命色珍爲山西兵馬都

統布琳爲南征都統以副休格彰國節度使艾正等

以應州附宋郢州

輿地廣記云晉宋爲竟陵郡後周置石城郡兼立郢州唐因之後爲

富水郡縣二長壽防禦使呂行德等以飛狐附宋都

京山今安陸府是防禦使呂行德等以飛狐附宋都

指揮穆超以靈邱見方輿紀要李吉甫元和郡縣志

云太白山在縣南十里山有鍾乳穴其深不測穴中

鍾乳如懸穗隘門山在縣東南五十里壁立直上層

崖刺天開皇長城西自繁峙縣附宋攷異畢沅續通

經縣北十里東入飛狐縣界附宋鑑云重進圍飛

狐令大鵬翼至城下論馬步都指揮呂行德等行德

與其副張繼從劉知進舉城降進圍靈邱穆超亦以

城降李肅長編云詔升飛狐為軍拜行德順州防禦

使繼從檀州刺史知進左監門衛將軍超右監門衛

將軍所載夏四月己亥朔次南京北郊庚子特哩袞

瑤昇攷吳善補傳字瑤等以捷報辛丑潘美克雲州

攷異畢沅續通鑑云四月壬寅米信大破遼師於新

城己酉田重進又破之於飛狐北殺其二將李肅長

編云新城之勝斬首三百級敵眾復集信被圍數重

會曹彬遣李繼宣等援之遂破敵於新城東北斬首

千級獲馬百癸卯休格復以捷報戊申布琳奏宋軍

引退而奚王籌寧即和碩等以兵追躡皆勝之癸

丑籍艾正等家屬分賜將士宋曹彬米信北渡拒馬

河一作異績通考云晉劉琨守拒馬河以宋遼於此分界也其

流為拒馬河出易州涑水縣至定興新城為白溝河

其下流逕雄縣為會同河入於淀本易州志參何濟

新城縣志方與紀要云上流為桑乾河源出山西馬

邑縣西北洪濤山經大同府南山陰縣至順天府西

南曰蘆溝河亦曰渾河分二派一合白河一經固安

縣西為拒馬河與霸州界河合至武清小河直沽入海

樂史太平寰宇記云桑乾水自西北昌平縣界來南

流經府西又東流經府南又東南與高梁河合酈道

元水經注云桑乾水東流與洗馬溝水合又灋水南

逕燕山下懸巖之側有石鼓去地百餘丈望若數百

石因一石梁貫之東南有石人援桴狀同擊勢若舊

言燕山石鼓鳴則主有兵孫世芳宣府鎮志云桑乾

河在宏州今順聖城西南二十里下與金龍池水合
流入蘆溝河范成大石湖集云蘆溝去燕山三十五
里宋敏求謂蘆菰河即桑乾水也郎蔚之隋圖經云
濕水即桑乾河至馬陘山爲落馬河出山曰清泉河
亦曰干泉至雍奴入筍溝曰合口水經注云濕水出
雁門陰館縣東北邊代郡桑乾縣南又東過涿鹿縣
北又東南出山過廣陽薊縣北又桑乾泉即索涓水
也吳文恪集云蘆溝河出太原桑乾池伏流至朔州馬
邑從雷山陽爲金龍池東下爲桑乾河雁門雲中諸
水皆會由大同宣府保安州通懷來經兩山間至京
城西四十里石經山東至通州高麗莊入白河是爲
通州高麗莊入白河是爲通州高麗莊入白河是爲
水南至丁字沽入濕河至魏氏土地記云薊城南七
里有清泉河上一承桑乾河亦曰小黃河源出馬邑
縣志云渾河一名承桑乾河亦曰小黃河源出馬邑
十里桑乾山今永定河也明一統志云一名桑乾水與
溫河渾河合流入宛平界蘇轍樂城集渡桑乾河詩
云北渡桑乾水欲結心畏宮廬雪落我未到時堅白
始和水開易水應生波穹廬雪落我未到時堅白
如盤陀會同出入凡十日腥羶酸薄不可食羊修乳

一駱差便人風陸沙場不宜客相攜走馬渡桑乾旌旆
年相送無由還胡人送客不忍去久安和好依中原
河詩云白沙清淺欲話白溝一惆悵金盧宜陽洵白溝
河無定主碧波依舊只東流見元裕之州與休格
集字仁甫高平人第進士官宜陽令有詩學與休格
對壘挑戰時聖宗次涿州東五十里詔諸將嚴備水
道毋令潛至涿州乙未休格等敗宋軍獻所獲蔚州
都押衙李存璋等殺節度使蕭卓琳原作啜里攷異
名錄云卷八聖宗保甯三年世宗妃卷六十四皇子
表太宗子必攝下應歷間罪人卷八十五高勳傳景
宗時駙馬都尉公主表世宗女和古典下嫁蕭啜里
當卽此人四人同名啜里按和古典原作胡骨典又
作胡古典一執監軍銅州地理志同州廣利軍渤海
作和克丹
木一縣本漢望平縣地渤海
爲花山縣初隸東京後來屬
節度使耿紹忠攷異彭
百川太

平治通鑑類以城降宋攷異李燾長編云重進王蕭作耶律酒忠以城降宋州李存璋許彥欽等殺敵蕭多囉及其守卒千人執監城使同州節度使耿紹忠舉城降命魏震知蔚州初王師入北境多羅紹忠等謀欲降存璋乃先事而發紹忠父美為奉聖節度使弟紹雍三司使紹忠領同州在西樓南數百里方從戎主至遙樂河聞王師至命為蔚州監城使至是被執存璋既殺酋黨慮孤城難守盡率吏民奔重進軍敵大至指揮江謙妄言惑眾荆嗣斬之悉收城中輜重還重進軍與敵轉戰軍校多死至大嶺嗣力闢敵始却遂空蔚州而荆嗣傳載蔚州既降復叛與他書丙辰復涿州攷異陳桎五代史續編云契丹主與異燾長編云時方炎暑軍疲辛酉次固安復其城五月食乏彬復棄之未知孰是

庚午國兵與宋曹彬米信戰於岐溝關攷異方輿紀要云在涿州西南四十里亦曰奇關又為祁溝胡氏曰關在易州拒馬河之北由關而南至易州六十里由拒馬河而

東至新城
縣四十里

大敗之追至拒馬河溺死者無算餘眾奔

高陽又追擊之死者數萬棄戈甲如邱陵

攷異薛應旂通鑑云

初諸將陞辭太宗曰潘美但先趨雲朔彬等以十萬
眾聲言取幽州且持重緩行不得貪利敵聞大兵至
必悉眾救范陽不暇援山後矣及彬等乘勝而前屢
告捷帝訝其進軍之速彬既次涿州休哥堅壁不戰
分兵絕糧道彬食盡退師雄州帝怪其失策亟遣使
止彬勿前急引師緣白溝河與米信軍接俟美盡畧
山後地會重進東下台勢取幽薊州彬與諸將議不
合乃復趨涿休哥率輕兵來薄會聖宗與太后引軍
至彬信復退休哥因出兵追躡以至大敗知幽州行
府事劉保勳死之畢沅續通鑑云保勳馬陷淖中其
子利涉救之不能出遂俱死殿中丞孔宜亦溺於拒
馬河死焉李燾長編云初彬欲令部將盧斌守涿州
斌力言不可守遂令斌擁城中老幼並狼山而南斌
以大軍退無復行伍為敵所躡致敗時知大名府趙
昌言遣鄭業詣闕上書請斬敗軍
將曹彬等貶官有差所載較詳

癸酉班師壬午次

宋史紀事本末卷一百一十五

南京癸未召珍奏復蔚州斬首二萬餘級乘勝攻下

靈邱飛狐丙戌御元和殿大宴將校爵賞有差攷異畢沅

續通鑑云初米信傳潛等軍敗衆擾獨李繼隆振旅

而還命知定州田重進之師未嘗挫敗擢馬軍都虞

侯繼隆字霸圖處耘子上黨人李燾長編云時上以

諸將違詔失律作自効詩賜近臣初議興兵獨與密

院議中書不與聞及敗召王顯張齊賢王沔謂曰六

卿等共視朕復作如此事否顯等愧懼若無所容六

月丁未度居庸關甲寅召珍奏復寰州秋七月丙子

復奏復朔州宋將楊繼業死之并上所獲將校印綬

誥勅先是國兵至蔚州營於州左得謀報敵兵且至

乃設伏以待敵至縱兵逆擊追奔逐北至飛狐口遂

乘勝鼓行而西入寰州殺守城吏卒千餘人楊繼業

素負驍勇號楊無敵北據雲朔數州至是引兵南出

朔州三十里至狼牙村

方輿紀要云在朔州西南十八里一名洪崖村陳家谷亦

在朔州南通忻代二州之道云業惡其名不進左右

至谷口之托邏臺死焉所載各異固請乃行遇伏四起中流矢墮馬被擒瘡發不食三

日死自是宋守雲應諸州者聞之皆棄城遁

攷異薛應旂通

鑑云潘美屯代州時斜軫將兵十萬至定安西賀令

圖遇之敗績又大敗於五臺死者數萬明日攻陷蔚

州令圖與美復敗於飛狐楊業引兵護雲應入石碣谷

民內徙間斜軫兵盛欲領兵出大石路直入石碣谷

避其鋒護軍王侁以避敵議之乃趨朔州約至陳家

谷口張步兵強努以相援遂及斜軫戰蕭撻覽以伏

兵蹙之業大敗退趨狼牙村侁自寅至已不得報謂

業勝欲爭功即引兵擅離谷口美不能制行二十里

聞業敗遂遁賀懷浦敗沒業轉戰至谷口見無援大

慟自率麾下力戰被擒其子延玉死焉業不食三日

死事聞詔贈業太尉大同節度使創美三任除旆名

延玉一作延玉定安遼縣明省故城在今宣化府蔚

縣大石路即今大石口在應州南石碣谷即今石佛

谷在代州崞縣西北畢沅續通鑑從業死者尚有岳

州刺史王貴助王仇者尚有順州團練使劉文裕旆

配金州文裕登州錄業子五人及貴子二人吳任臣

十國春秋業子六人延朗延浦八月己未詔第山西

延訓延環延貴延彬所載較詳

諸將校功過而賞罰之伊實帳宰相安甯以功過相

當追告身一通迪錦原作部節度使佛努

祖遼史同名錄云卷十五聖宗開泰元年左夷離畢

卷六十一刑法志開泰時五院部長卷十九興宗重

熙十三年四捷軍詳答五十特哩瑤昇伊喇伯喀原作

袞四人同名佛奴

欵烈攷異欵烈係以逃遁奪官下朔州節度使慎思

文配烈云仍配隸本貫即係一人

攷異道宗太康六年同應州節度使庫濟原作雲州

知北樞密慎思另一人

節度使華格

原作蔚州

節度使佛哩

原作汪輝祖遼史同

名錄云是年橫帳郎君爲都監卷二十都監崔其劉

七天祚天慶四年戰死三人同名佛留

原作王六

答五十

冬十月

丙子聖宗自將南侵宋次狹底塢壬辰次唐興縣時

宋軍屯淖沱橋北選將亂射之進焚其橋

攷異耶律轄里傳是

年從伐宋相拒淖沱河轄里率精騎便道先濟獲其將康保威又華格傳是年南侵宋擒謀者知敵由海道來襲卽先據平州要地事平拜上京留守續通考云耶律海里令穩拔里得長子爲南院大王郤宋敵有功聖宗屢南征海里在南院鎮以寬靜戶口增給封漆水郡王耶律洪古遙輦氏後統和初以軍事任拽剌詳穩尋徙南京統軍使亦卓特原作部節度使郤敵有功封楚國公紀均未載

盧補古都監耶律盼與宋師戰於泰州不利尋以華

遼史紀事本末

卷十九

三

格佛哩代之十二月己亥休格敗宋軍於望都小校

克酬

原作昌主

襲宋輜重并焚其芻粟甲辰詔南大王與

休格合勢進攻自率兵與宋將劉廷讓李敬源戰於

莫州敗之乙巳擒宋將賀令圖

開封人

楊重進

太原人等

攻異薛應旂通鑑云時劉廷讓帥師數萬並海而北與李敬源合將趨燕休哥以兵扼要害逆於君子館會契丹主兵大至圖廷讓數重廷讓先分精兵屬李繼隆為後援繼隆退保樂壽廷讓一軍盡歿以數騎脫走敬源與楊重進皆死之先是休哥詐降給賀令圖信之廷讓敗休哥宣言願見雄州賀使君引兵來逆遂執之父子貪功生事一歲皆敗且貽中國之害所載較詳契丹本傳以廷讓敗在明年春恐誤方與紀要云君子館在河間府西北三十里趙翼劄記云是役也繼隆之罪必須以軍法從事而太宗反下詔自悔釋繼隆不問此軍律國舅詳袞塔喇噶原作捷之弛無怪乎宋之不競也

作特商格宮使蕭達哩原作死之攷異薛應旂通鑑云契

齊賢選軍出禦契丹少卻初齊賢遣使納潘美以并

師來會戰使為契丹執俄美使至曰奉密詔還州齊

賢曰敵知美來而不知美退夜發兵列幟然炬契丹

以為并師至駭而卻走齊賢先伏步卒於土鐙若掩

擊大敗之殺詳袞捷烈葛宮使蕭打里獲馬匹器械

無算畢沅續通鑑禽王子一人帳前錫里一人齊賢

悉歸功於盧漢贊後事聞乃罷漢贊宋史太宗紀十

二月定州田重進攻下契丹岐溝關土鐙若之捷殺

監軍舍利二人書作漢贊事李燾長編云擒其北大

王子一人舍利一人斬首二千餘級俘五百餘人獲

馬千匹牛羊器械甚眾所載較詳方輿紀要云土鐙

若在峭縣西北續通鑑塔喇噶等之死載在王子日

丁未築京觀復入南京禁軍擊楊團城守將以城降

癸丑拔馮母鎮大縱俘掠邢州降丁巳拔深州縱兵

大掠攷異蕭巴雅爾傳是冬攻宋隸先鋒圍蒲城率

遼史紀事本末卷十九

四月帝禦宋次沙姑河之北以近侍粘米里所進自落鴞祭天地紀均未載夏文彥圖繪寶鑑補遺云時陳升官翰林待詔奉詔寫南征得勝圖於上京五鸞殿史未書

五年春正月乙丑破束城縣縱兵大掠丁卯攻文安

屠之戊寅還南京攷異契丹國志云正月契丹攻陷深祁德易四州陳均九朝編年備

要亦書之東都事畧云是歲南院宣徽使郭守文屯鎮州大破契丹於唐河史未載玉海云雍熙六年五月以北戎未服召田重進潘美等入見手書六韜兵法將有五才十過之說以賜之又出平戎陳圖指畫卷舒進退號令出沒并賜之李燾長編云時緣邊瘡痍士無鬪志敵長驅直入殺掠吏民魏博之北咸被害其

六年秋九月戊戌帝幸南京癸卯祭旗鼓南侵宋庚戌次涿州射帛書諭城中降不聽冬十月乙卯縱兵

四面攻之城破乃降撫諭之駙馬蕭勤德太師達林

原作闊覽攻異據達林本皆中流矢聞宋軍退遣色

珍等追擊大敗之戊午攻破沙堆驛攷異畢沅續通鑑勤德作勒德

達林作達蘭云皆中流矢勒德載主車中以歸又繫

於九月乙卯按蕭恒德傳從圍沙堆獨當一面督將

士登其陣城陷中流矢太后親視賜藥及攻長城口

復先登太后益多其功時官駙馬都尉東京留守所

載各異汪輝祖遼史同名錄云世宗大同元年郎君

勤德卷十一統和四年林牙又敵史又北大王帳知

事與駙馬都尉丙子籌甯奏破狼山順天府北五十

五人同名勤德置砦於山上捷辛巳復敗宋兵於益津關癸未進軍

長城口方輿紀要云在安肅縣東北胡氏曰在固安

河別將崔彥卿潛軍出黑盧堤宋劉廷翰曾禦契丹於徐

緣長城口銜枚譟其後即此處宋定州守將李興

遂已事

以兵來拒休格擊敗之十一月庚寅駐長城口督軍

進攻士潰圍遁色珍招之不降帝與韓德讓邀擊之

大敗宋兵殺獲無算甲午拔滿城軍士開門遁諭降

之戊戌攻下邢州己亥取新樂庚子拔小狼山砦丁

未宋軍千人出益津關國舅郎君托卜威原作桃委

紀統和元年八月命托卜威為政事令孫楨後原詳

作桃隈又統和四年權領國舅軍桃畏均係一人

袞實格原作十哥攷異公主擊走之殺副將一人攷

東都事畧云契丹寇滿城大將郭守文李繼隆等與

戰於唐河敗之斬首萬五千級獲馬萬匹宋會要畧

同宋史太宗紀但歸功郭守文而李燾長編云契丹

大至唐河北都部署李繼隆與監軍袁繼忠出兵拒

戰率易州騎兵摧鋒先入契丹大潰追擊踰曹河契

丹國志同所載各判方輿紀要云唐河在唐縣西三

十里古嘔夷水也源出恒山谷中入定州界謂之涇
水至北高是山周禮曰并州其川嘔夷即此亦曰瓠
縣河續通考云唐河源自靈邱縣南經飛狐口倒馬
關至縣境入祁州合沙河可灌中山一帶鄴道元水
經注云唐水西北流歷左人亭注涇水又東左會一水
水出中山城北郎中埠下亦曰唐水又名電水西南
流入涇水又東恒水注之所謂恒衛既從也紀要又
云順聖州西城在東城西百里今宣化府境宋端拱
初潘美自寰州進攻其地旋復沒於契丹置宏州
博甯軍治永甯縣今改爲保甯軍石麟山西通志云
驚峯寺在大同府城東百五十年建元好問中州集云王
陽內有塔百尺遼壽昌四年建元好問中州集云王
元節宏州人祖山甫遼戶部侍郎孫世芳宣府鎮志
云宏州有遼尚書左丞楊伯通墓又秋林亭在順聖
西城溜雲山下盛暑山石滴水成冰遼人建亭焉又
崖木亭在順聖西峭壁千仞駕獨木爲橋經久不朽
遼人建亭其側郡國志云白道泉高坂有土穴出泉
卽古樂府之飲馬長城窟姚燧牧庵集云金甌官署
令魏府君墓碣曰魏氏由唐相知古子林刺湖州子

孫居桑乾爲今宏州之順聖遼有延恕者生中奉大夫守成中奉生通奉大夫餘慶史均未載

七年春正月癸未朔班師戊子宋雞壁寨守將郭榮

率衆來降詔屯南京癸巳諭諸軍趣易州甲辰攻克

之降刺史劉墀遷其軍民於燕京攻異畢沅續通鑑云時守陣將士南

走遼主帥師邀之無得免者東京騎將夏貞顯之子

仙壽先登授高州刺史及長編均不書耶律穆爾古傳七

按易州之破宋史及長編均不書耶律穆爾古傳七

年以北宋大王從侵宋爲先鋒與耶律諾觀破宋將

李忠吉於定州構疾卒於軍紀亦未載宋史云端拱

中宋琪請復幽燕言大軍於易州循孤山抵桑乾河
出安禮寨西北有廬師神祠是桑乾出山之口東及
幽州四十里趙德鈞作鎮時欲遏西衝曾塹此水河
次半有崖岸不可輕度其平處築城護之守以偏師
此斷彼之右臂也方輿紀要云安禮砦在府西南宋
琪言安禮砦東瞰燕城纔及一舍此周德威夏五月
取燕之路也又安禮砦或作安祖砦今無考

辛巳休格引軍至滿城招宋降卒七百人來獻尋與

巴雅爾原作排亞破宋兵於泰州秋七月癸巳遣兵南侵

攻異薛應旂通鑑云八月間契丹復至遣李繼隆撥

鎮定兵萬餘護送糧儲數千乘趨威鹵休哥率兵邀

諸途都巡檢尹繼倫領兵潛躡其後至唐州徐河將

戰繼隆陳於前繼倫從後急擊之獲契丹一大將眾

皆驚潰休哥方食失匕箸為短兵中其臂創甚乘馬

先遁餘眾引去契丹為之奪氣自是不敢大入寇每

戒曰當避黑面大王以繼倫面黑故也字正均開封

浚儀人勳子李燾長編謂梟其帥達延相公等三十

餘級契丹國志云殺契丹相皮室畢沅續通鑑云是

役也遼師大潰白相蹂踐死者眾無數繼隆與范廷召

追奔過徐河十餘里俘獲甚眾副部署孔守正又戰

於曹河之斜村斬其帥大盈等捷聞授繼隆倫洛苑使

長州刺史史均載宋史繼隆傳時遼將裕悅率騎

入萬來戰繼隆與尹繼倫列陳以待敵眾方食繼隆

出不意擊走之與繼倫傳異蓋史臣欲著繼隆之同

功耳見趙翼劄記釋文瑩玉壺清話云淳化中著作

遼史紀事本末

卷十九

三

郎孫崇諫陷北歸太宗召見面詰北事崇諫備奏尹繼倫唐河之功上始盡知歎曰奏邊者忌其功不狀其實以味朕非卿安知遽加防禦使東都事畧云初詔止台堅壁清野繼隆曰閫外之事將相得裁中黃門杜延壽止之不可故成功詔廢威鹵軍繼隆謂梁門爲北面保障不可廢遂復城守續通考云徐河流經滿城縣北十里名大冊河河源出易州五迴嶺逕滿城清苑入安州界爲依城河下流入淀威鹵軍宋置後改信安治遂城故城在今保定府安肅縣

十二年秋八月乙酉宋遣使來議和不許九月辛酉復遣使求和不許攷異畢沅續通鑑云是年帝再遣使如遼約和弗許於是募人泛海賂女真及烏實等部叛之二部不從冬十一月己未官宋俘衛德升等六人

十三年春三月戊辰武清縣

在通州東南九十里本前漢雍奴縣興宗重

八年三月，嶽於武清之葦甸，卽三角淀也。順天府志云：三角淀在縣南周二百里，古之雍奴也。自范甕口王家陀河劉道口魚兒里諸水所聚，會大姑港鄺道元水經注云：南極淳沱，西至泉州，雍奴東極於海，謂之雍奴藪也。其澤野有九十九澗，徐昌祚燕山叢錄云：永清三角淀，云是舊城陰晦之旦，漁人以多見城堞，市里人物填集，許鋌武清縣志云：大河以西北之木多從直沽入海，此卽古者九河入海之處，厲鶚云：金大定中置寶坻縣，本遼武清縣新倉地，寶坻縣志云：廣濟寺有遼碑二，一銀青榮祿大夫檢校司徒宋瑋佛殿記，太平五年立，一重熙五年立，查爲仁盤山紀游集云：寶坻古廣濟寺，殿有透靈碑，相傳可以隔望，此言雖不足證，然光澤如鏡，亦異事也。碑側記皇朝建號，太平十有一載，仲夏之月，商稅麴鐵都監提點造船，韓紹孚特建供奉班祇候前樅，鹽使監造海行舟船，劉可度重熙五年十二月二十九日受勅，碑正面題檢校司徒使持節開國男食邑三百戶刺史兼御史大夫上柱國廣平縣開國男食邑三百戶刺史兼御史大夫志載寺有遼碑二，此碑記重熙五年受勅，當卽是第二碑前一碑，太平五年立者，已失附錄。宋瑋佛殿

遼史紀事本末

卷十九

天

記畧云夫聞宏高威德運大神通金剛座中果結菩
提之樹靈鷲山上經宣菡萏之花是以明帝夢從於
漢室佛寶初光裝公取去於唐時法輪漸轉故自三
十界神化之後五百年象教以來通覺路於羣生闢
空門於歷代粵有僧宏性演武并邑生身文殊閣院
落髮竭總持之力振拔沈淪宏方便之機贊禪調御
屬以新倉重鎮四邑多人悉謂嚮風咸云渴德載勤
三清深契四宏此則振錫爰來甯辭越里彼則布金
有待永奉開基因適願以經營遂立誠而興建富庶
傾心賓寮率已材呈而風舉雲搖匠斲而雷奔電擊
乃以鑿甘井樹華亭建法堂延講座累功歲久報力
時虧念光陰之不停嗟羸老之將至乃謂門人道廣
曰吾以撥土匡時踏荒成辦然稍增於締構奈罔備
於規模今汝勤修慧炬播植福田度人宜體於三輪
證果俾昇於二梵詎勞謙於後進當善繼於前修廣
法師諦聽斯言恭承彼事應尚根之善立匪石之心
會頭佗僧義宏雅好遊方同誥化道率王文襲等數
十人共結良緣將崇勝槩度功量賁價何啻於萬緒
糾邑隨緣數須滿於千室樂拱疊施芬橈複結雲龍
花磚霞舒丹艸奇標造立三門之滿月眸容妙畫鋪

題四壁之方連瑞相其基構備也如彼其功德歸精進之門也
若此香界初就道場永開闔浮業廣咸歸精進之門也
兜率觀成悉有開生之路適謀論撰可叙因編庶紀
錄以具存用刊修而克永見寶坻縣志蔣一葵長安
客話云香河縣境南大龍灣小龍灣二水夏秋始合
流經寶坻縣界入七里海相傳爲遼時海運故道
百餘人入宋境剽掠命誅之還其所獲人畜財物異
契丹國志云十三年正月自振武攻宋四月又攻雄
州薛應旂通鑑云至道元年正月契丹韓德威率萬
騎誘黨項勒浪等族自振武入寇折御卿敗之於子
河以勒浪等乘亂反擊殺其將突厥舍利等德威僅
以身免四月攻雄州何承矩條子河之捷諭州民
契丹謀知忿恚將襲取承矩承矩整兵擊走之帝怒
其生事罷之十二月德威訥知御卿有疾遂犯邊御
卿力疾出禦卒於軍契丹乃退東都事畧承矩雄州
之戰獲契丹首所謂鐵林相公者敵始引去復徙滄
州畢沅續通鑑云子河之戰邊部喪氣不敢復入
李燾長編勒浪作囉朗威契丹將號突厥太尉司徒
舍利死者二十餘人生擒吐渾首領一人自此一戰

遼史紀事本末

卷十九

五

夏人亦喪氣不敢深入爲寇初并代都邵署張承德
聞賊入寇以太白萬勝訣占之曰賊雖以年月便利
乘金而來反值歲星對逆兵家大忌彼當自敗不足
慮也至是人乃嘆服按勒浪一家作埒克拉木舍利作
浩里子河漢在葭州府谷縣境承矩字正則河南人
繼動子御卿世居雲中從阮裔史均未載陸游老學
菴筆記云李允則真廟時知滄州敵圍城城中無礮
石乃鑿冰爲礮敵解去近時陳規守安州以泥爲礮
城亦終不可下長編云允則知滄州浚陽湖葦營
壘官舍間掘井人厭其擾召歸及契丹來攻人入保
而水不泛上嘉之所
載甚詳姑附錄之

遼史紀事本末卷十九

遼史紀事本末卷二十

馳封資政大夫 特賞內閣中書前江西峽江訓導萍鄉李有棠編纂

承天太后攝政

景宗保甯元年夏五月戊寅立貴妃蕭氏爲皇后

諱綽小字燕燕攷異李燕長編作雅雅北府宰相魏

王思溫女攷異契丹國志云魏王蕭守興女畢沅續

通鑑據史及東都事畧作思溫女爲是李

仍故官賜器幣冠帶信言其國中事甚悉謂后爲轄

里宰相女所載各異沈炳震廿一史四譜景宗朝爲

北府宰相者思溫外尚有蕭幹室昉見本傳南府宰

相則耶律沙見景宗紀又有郭襲者官南院樞密使

兼政事令嘗上書諫獵帝嘉賜協贊功臣拜武定節

度使見早慧思溫嘗觀諸女掃地惟后喜潔除喜曰

本傳

此女必能成家至是由貴妃正位中宮景宗諱賢字

賢字小字明展

攻異契丹國志作明計

世宗第二子

攻異皇子表世宗三

子景宗第二哈勒布第一札穆第三按哈勒布原作

長以第一吼阿不第三因景宗紀載親祭吼墓追冊

為皇太子是以原本將吼阿不改作第一長沒改列

第三但聖宗紀載召見庶兄質睦是吼阿不係景宗

之兄長沒乃甄妃所生為景宗庶兄表稱景宗第二

者係就嫡子而母懷節皇后察克察原作亂世宗與

言耳所載較悉

后同被弑景宗甫四齡藏積薪中因此嬰疾穆宗養

之興慶宮

攻異畢沅續通鑑四齡作九齡興慶作永慶云后賜傳父保母等戶口牛羊有差又

以潛邸給使者為塔瑪部置官主之契丹國志云世

宗被殺時帝方九齡御厨尚食劉解里以糴束之藏

積薪中得免及即位嬰風疾多不視朝性仁儒好音

律喜醫術伶倫針灸之輩授以節鉞使相者三十餘

人游獵體憊不能乘馬耽酒
色暮年不少休所載較計

穆宗遇害得嗣位國事

皆后決之明達治道聞善必從兼習知軍政能駕馭
臣工故多得其死力

二年夏四月帝幸東京五月癸丑西幸乙卯次盤道

嶺盜殺后父北院樞密使蕭思溫

本傳思溫以密戚
預政穆宗酣酒嗜

殺無所匡輔上論不與後從獵聞山為賊所害養姪

繼先為子字惕隱乾亨初尚齊國公上屢破宋兵拜

北府宰相上京留守所至以善治稱績通考云齊國
公土名觀音為睿知皇后生加愛賜奴婢萬口重熙

中薨所以右皮室詳袞原作耶律賢適為北院樞密

使秋九月辛丑得國舅蕭哈濟原作海只及哈里原作海只殺

思溫狀伏誅流其弟紳圖原作神觀於黃龍府尋亦被誅

遼史紀事本末

卷二十

二

三年夏四月丁卯世宗妃卓琳及普格

原作厭魅賜

死秋八月辛卯如秋山祭皇兄哈勒布

原作吼致

世宗第一子吼阿不疑係一人攷見前續通考謂係世宗第三子又異

墓追冊為莊聖

太子冬十二月己丑皇子隆緒生

即聖宗次子隆慶

國王攷異皇子表隆慶字燕隱小字普賢奴隆祐封齊字高七一

與羣兒戲為戰陣法指揮無敢違者景宗奇之曰此

吾家生馬駒也隆祐性沈毅美姿容自少慕道為東

京留守置道院欵接道流誦經宣醮用素饌薦獻續

通考云隆祐後諡仁孝重熙間改諡孝靜初封鄭王

聖宗伐宋伐高麗嘗留守京師隆慶於統和中為南

京留守屢敗宋師進王秦晉入觀還道卒追贈皇太

弟子魏王查葛幽王遂哥陳王謝家奴遼西郡王驢

糞漆水郡王蘇撤隆祐子周王胡都古魯魏王合祿

吳王貼不又三韓郡王宗範亦聖宗姪不詳所出李

燾長編云契丹李信曰肅后四子長隆緒次贊封梁

王三郭密封吳王
四鄭哥所載又異

四年夏四月庚寅朔追封后父思溫爲楚國王

五年春三月乙卯朔追封后祖瑚穆里

原作胡母里攷異外戚表

作呼哩木原作忽里沒卷七十八蕭思溫傳忽里沒之子是忽沒里卽係忽里沒又作華默哩均係一人

爲韓王贈伯瑚嚕古

原作胡魯古

兼政事令甯古齊

原作尼古

只兼侍中

八年春二月壬寅諭史館學士書皇后言亦稱朕暨

予著爲定式

乾亨三年春三月乙卯皇子罕巴卒

原作韓八攷異皇子表并無名

罕巴者惟景宗四子藥師努早卒聖宗統和元年祭皇子藥師努墓疑係一人又韓八傳官北院大王另

遼史紀事本末

卷二十

三

一人李壽長編云契丹李信曰契丹主第四子名鄭哥八月而天疑即藥師努也卷九十一藥師努傳安

宋軍節度另

四年秋九月王子景宗崩又引契丹本傳謂在三月

遺詔梁王嗣位軍國大事聽皇后命冬

十月辛酉尊為皇太后攝國政以南院大王巴古濟

原作勃古哲本傳字李保諾延六院額爾奇木巴古

郭濟字布尼雅六院額總領山西諸州事北院大王

裕悅原作休格原作為南面行軍都統奚王和碩鼎

原作和朔奴字籌甯奚汗之副之同平章事蕭道甯

領本部兵駐南京以韓德讓耶律色珍原作參決大

政攷異薛應旂通鑑云以德讓為政事令兼樞密使總宿衛兵

聖宗統和元年春正月丙寅太后幸荆王道隱第視

疾丙子以休格為南京留守總邊事二月甲午葬景

宗於乾陵諡孝成康靖皇帝攷異地理志云乾州廣德軍本漢無慮縣地統和三年置以奉景

宗乾陵有凝神殿隸崇德宮統縣以伶人塔魯原作捷魯

等為殉太后與帝因為書附上大行太后詣陵置奠

命繪近臣於御容殿賜山陵工人物有差夏五月

丙辰朔國舅平章事蕭道甯以太后慶壽請歸父母

家行禮而齊國公主及命婦羣臣各進物設宴賜國

舅帳者年物有差乙亥詔近臣議太后上尊號冊禮

樞密使韓德度以後漢太后臨朝故事草定上之六

月甲午帝率羣臣上太后尊號曰承天皇帝太后禮樂

志載冊皇太后儀甚詳按后妃列傳太宗會同初冊

舒嚕后為應天皇太后是太后之受冊始於會同初

第樂志載冊皇太后樂次特指為統和元年冊承天

皇太后之樂其一切樂作樂止諸儀均與本志相符

則所載冊皇太后之儀似定詔有司給三品以上法

自聖宗見陳浩遼史攷證

服三品以下用大射柳之服

常其後行色克色禮大射柳即此服聖宗統和元年

冊太后給三品以上用漢法服三品以下用大射柳

之服見儀衛志又遼自太宗入晉後帝與南班漢官

用漢服太后與北班契丹臣僚用國服其漢服即五

代晉之遺制也續通考云遼初轉居薦草之間去遂

古之風未遠自太祖帝北方太宗制中國紫銀之鼠

羅綺之篚穠載而至織麗奐毳被土網木於是定衣

冠之制北從國南從漢各因其俗聖宗太平中禁天

下及金縷興宗重熙末詔八房族公服用巾
有執事人不帶巾又詔夷離堇副使之族并承應
得服駝尼水獺裘太康三年詔禁士庶服用錦綺日
月山龍之文秋七月甲寅朔太后聽政八月己丑帝
所載甚詳

西謁祖陵辛卯太后祭父楚國王思溫墓遂俱謁懷

陵幸懷州九月辛未太后言故裕悅屋只即鳥哲也原作屋質

有傳導功錄其子孫以其子巴延原作泮為林牙冬

十月丙午命宣徽使布珙原作蒲領攷異一作普領又作蒲甯亦作普甯自此

至七年屢見均係一人按耶律阿穆爾傳原作阿沒

里字布珙原作蒲隣約尼兆古汗之四世孫官終政

事令而宏簡錄統和二年阿穆爾奏討女直捷七年

一作蒲領音近致訛疑即一人也陳浩遼史攷證云
姓蕭氏而統和二年四月訛作耶律誤又二年二月
金史已見下卷卷二十一

歸化州刺史耶律普甯等征高麗十一月庚辰太后

與帝祭乾陵詔諭三京官屬當執公方毋得阿順諸

縣令位如遇州官及朝使非禮徵求毋得畏徇恒加

采聽以為殿最民間孝義者旌其門閭攷異續通考云張廷美前

遼州錄事六世同居劉興允儀坤州人四世同居聖

宗開泰元年各給復三年靳文貴慶州人八世同居

詔賜職達魯奚人三世同居咸雍十年賜官旌之張

寶錦州人四世同居太康四年命諸子三班院祇候

田世榮天德軍人三世同居壽隆十二月壬午朔幸

六年詔官之命一子三班院祇候

顯州甲午東幸己亥太后觀漁於玉盆灣辛丑觀漁

於濬淵甲辰勅諸刑辟有冤者詣臺訴是夕燃萬魚

燈於雙溪攷異續通考云統和十五年十月弛東京魚澤之禁開泰八年六月弛大擺山猿嶺

採樵之禁壽隆六年正月弛朔州山林之禁乾統三年二月以武清縣大水弛陂澤之禁方輿紀要云永平府遷安縣北四十里有楊買驢城周五百步皇南鑒域彖記云係聖宗時蕭太后所造楊買驢遼臣姓名司營築之事者史未載

二年春正月癸巳國舅帳彰德節度使蕭達林來朝

政異達林原係闕覽自此至七年屢見前人以為係統和十二年始見之蕭達林原作捷凜但考統和三年十一月東征女直都統闕覽以行軍所經地里物產來上四年正月彰德節度使闕覽上東征俘獲又軍還使近侍旌其功二月闕覽率族帥來朝行飲至禮四月詔西部突騎赴蔚州助闕覽又以為諸軍都部署六年十月太師闕覽中流矢核之捷凜傳其官階軍事蹟全不相符捷凜於十二年八月奉詔督皇太妃軍事撫定西邊十四年十二月捷凜誘誅叛酋阿勒坦等封蘭陵郡王十五年捷凜奏討準布捷二十年南京統軍使捷凜破宋兵於泰州二十一年捷凜獲宋將王繼忠於望都二十二年閏九月捷凜敗

宋軍於遂城十一月師次澶淵捷凜中伏努死是闕
覽捷凜的非一人又聞覽子排亞尚景宗女捷凜子
隨方尚聖宗女然則的係二人更明矣見陳浩遼史
傳合又卷二十二道宗咸雍二月庚子帝朝太后
元年孟父做穩健古另一人咸雍二月庚子帝朝太后
因從觀獵於饒樂川攷異孫世芳宣府鎮志云龍門
后遺蹟尚存隆慶州東北二十里有古城爲遼蕭后
所築應夢山在隆慶州城北二十里蕭后嘗應夢建
寺於其巔因名又東西羊房在州城西北皆蕭后養
羊之所方輿紀要云保安州西四十里有上花園三
十里有下花園相傳蕭后插花處今爲戍守之所徐
蘭出塞詩云溫洋二水尚潺湲百里亭臺無一存緣
是蒺藜黃是土上花園與下花園明涿人頓鏡詩云
嶺雲沈日暝煙斜見說窮邊亦有花應是漢宮青冢
怨不甘玉貌委泥沙沈德符野獲編云燕京大內北
苑中有廣寒殿者四間爲耶律后梳妝臺楊士奇郊
遊記云降而觀於浮圖之址問僧此寺所創僧指其
南廢址曰此遼太后梳妝臺也高士奇金齏退食筆

記云瓊華島在太液池中其巔古殿相傳本遼太后
梳妝臺毛奇齡西河詩話云遼后梳妝臺在太液池
東小山上一名瓊花島卽今白塔寺址是也蕭后遺
跡見志乘者甚多梁氏圖在燕京西南五十里外有
四城號太后城盤山有湯泉云是后浴處昌平州有
水盆石在東山嶺云是后梳洗處石下刻燕窩二字
密雲懷柔二縣均有看花臺有太后墓云是后葬處
樂州長春淀舊有行宮云是后所建懷來縣有團蕉
亭雪興亭碧桃亭養鵝池錦縣有太后梳洗樓大同
府西北隅有后梳樓天鎮縣有蕭后井見周春遼
詩話胡嶠陷北記云湯城淀地氣最溫其水泉清冷
草輒如茸可藉以寢而多異花記其二種一曰旱金
大如掌金色燦人一日青囊如中國金橙而色類藍
可愛王氏談錄云契丹中有鐵腳草採取陰乾投之
沸湯中頃之莖葉舒卷如生查慎行人海記云旱金
蓮花瓣小而色如真金曝乾可致遠古北口塞外山
多有之幽燕紀異云茅地經冬燒去枝梗至春取土
中餘根白如玉者搗汁煎之至甘可爲洗心糖段成
式酉陽雜俎云左行草使人無情范陽縣貢之析津
志云草之品示儉草包茅薦草葉世奇草木春秋示

通鑑纂要卷之二十一

一

儉草亦作誓儉草莊綽雞肋編云燕山倡伎皆以子
爲名若香子花子之類無寒暑必繫絲裙其良家女
子皆髡首許嫁方留髮冬月以枯蕒塗面謂之佛裝
但加傅而不洗至春輒方滌去久不爲風日所侵故
潔白如玉也嚴繩孫西神脞說云遼時婦人有顏色
者曰爲細孃面塗黃曰佛裝宋彭汝礪詩曰有女天
天稱爲瘴墨吏矜誇是佛裝是也夏四月庚寅太
怪疑爲瘴墨吏矜誇是佛裝是也夏四月庚寅太
后臨決滯獄六月己卯朔大任作己卯朔各異陳太
后決獄至月終自是歲以爲常制留心聽斷嘗勸帝
寬法律帝壯益習國事更定法令凡十復事多合人
心開泰間飭諸處刑獄冤者聽詣臺訴委官復問并
置大理少卿及正主之及親爲錄囚且數遣使諸道
審決冤滯如邢抱朴之屬所至人以爲無冤五院部
民有自壞鎧甲者其長佛努杖殺之詔奪官遠謫罕
納旺舒克因醉言宮掖事法當死杖而釋之而還民
偶遺火延及木葉山兆域當死杖而釋之而還民
格烏古斯嘗從齊王妻逃散後令千齡節出首張斬

之於國無倖民人重犯法故統和中南京及易平
二州以獄空聞嗣至諸道皆獄空有刑措之風焉所
載較秋七月癸丑太后行再生禮攷異禮志云再生
詳前期禁門北除地置再生室母后室先帝神主與在
再生室東南側植三歧木其日以童子及產醫姬置
室中一婦人執酒一叟持矢簋立室外有司請神主
降輿致奠奠訖帝出寢殿詣再生室釋服跣以童子
從三過歧木下每過產醫姬致祠拂拭帝躬童子過
歧木七帝母木側叟挈簋曰生男矣大巫幪帝首與
羣臣稱賀再拜產醫姬受酒轉進大巫奉襁襦結
等物贊祝之預選七叟各立御名繫於綵皆跪進帝
選嘉名受之賜物再拜退羣臣皆進襁襦綵結等物
帝拜先帝御容宴羣臣此蘇爾威汗所制之禮垂訓
後世示不忘本也所載甚詳

四年春三月甲戌裕悅休格奏宋遣曹彬等分三道
來侵詔發諸道兵助休格禦之太后與帝駐兵馳羅

口夏四月己亥朔次南京諸將各以捷報帝以酒脯祭天地率羣臣賀於太后次涿州東五十里丙辰復其城庚申帝朝太后壬戌克固安五月庚午國兵與宋曹彬等戰於岐溝關大敗之詳宋初和戰事中壬辰以太后生辰縱還俘獲癸酉班師壬午還次南京將士論功行賞有差六月丁未度居庸關戊午幸涼陘秋七月辛卯色珍奏復朔州擒宋將楊繼業不食三日死函其首以獻傳示諸軍亦詳宋初和戰事中八月丁酉以北大王普努甯

原作蒲奴甯

爲山後五州

都管詔復山西今年租賦

九月丙寅朔皇太妃以

帝納后進衣物馳馬以助會親頒賜甲戌次黑河以

重九登高於高水南阜祭天賜從臣命婦菊花酒攷異

重九儀北南臣僚旦赴衙帳從駕至圍場賜茶帝就座臣僚班立所司各賜菊花酒跪受再拜酒三行揖

起又重九日天子率羣臣部族射虎少者爲負罰重

九宴射畢擇高地卓帳賜番漢臣僚飲菊花酒兔肝

爲醬鹿舌爲醬又研茱萸酒洒門戶以禴穰是日爲

博理烏楚理原作必里遲離國語九月九日也所

載甚

丙申次儒州以將南侵詔繕甲兵冬十月丁酉

太后復行再生禮爲帝祭神祈福甲申出居庸關乙

卯次南京十一月丙子軍次狹底塢太后親閱輜重

兵甲辛卯次白佛塔川獲自落馴狐以爲吉徵祭天

地壬辰至唐興縣涉沙河休格來議軍事壬寅營於

滹沱河北攷異漢志云滹沱河行經千三百七十里

河即蕭王麥飯處冰合復解因名危渡又云在束鹿

縣南三十里來自晉州經縣境達深州至直沽入海

方輿紀要云源出山西繁峙縣東北百二十里之大

戲山經忻代入真定府流經清縣東北燕趙有事上下

河至靜海縣小直沽入海橫亘河北燕趙有事上下

皆為津渡處宋咸平中何承矩築隄儲水以限戎馬

嘗引滹沱詔休格以騎兵絕宋兵毋令入邢州甲辰

為塘泊云

親率兵會休格與宋將劉廷讓等戰於莫州敗之乙

巳國舅詳袞塔刺噶原作撻烈哥等戰死丁未班師邢州

深州相繼降

五年春正月乙丑破束城縣及文安戊寅還南京加

上太后尊號攷異孫承澤北平古今記云遼有二長春宮一在南京一在長春州若統和五

年三月幸長春宮賞花釣魚十二年三月如
長春宮觀牡丹十七年正月如長春宮均非南京之
長春宮也張祥澗縣志云郭世珍潮陰人仕遼為司
徒承天太后侵宋俘獲甚眾師次范陽世珍上言降
卒必有懷土之情驅之而北終不為
用太后嘉納縱活數萬人史未載

六年夏四月乙未幸南京丁酉呼勒希

原作胡里室

橫突

韓德讓墮馬太后怒殺之秋九月丁酉太后幸韓德

讓帳厚加賞賚命從臣分朋雙陸以盡歡

癸卯南

侵宋次涿州冬十月乙卯攻涿州克之戊午破沙堆

驛十一月庚寅克長城口甲午拔滿城戊戌下祁州

及新樂庚子破小狼山砦丙辰畋沙河

攷異續通考云是年八月

耶律抹只為大同節度奏今年民苦旱傷所納三司
稅錢請增價折粟以利貧民從之先是抹只鎮開遠

時故事民歲輸稅斗粟折錢五銖
抹只表請錢六部民便之紀未載

七年春正月癸未朔班師甲辰克易州辛亥還次南

京諸軍解嚴 夏四月丁卯太后謁奇善汗原作奇首可汗

廟

八年春正月辛巳如臺洲庚寅詔決滯獄庚子如沈

子灤攷異王濬初恒岳志云宋太宗淳化元年即遼

許戎使怒縱火焚廟而去遂不入寇使詣北岳廟卜神不

云是年三月庚辰太白熒惑關凡十有五火十月丁

西太白晝見二十一年正月有星如斗逆行隱隱有聲十二

月壬子熒惑與月並行自旦至午三年七月熒惑晝

詳甚

十二年秋八月庚辰朔詔皇太妃領兵撫定西邊以

蕭達林原作捷凜督其軍事

十三年秋九月丁卯奉安景宗及太后石像於延芳

淀方輿紀要云在通州潮縣西廣數百畝遼時每春季則弋獵於此又雲州堡在龍門衛東北二百十里亦為契丹游獵之所其主賢嘗建潛邸於此號御

莊尋置望雲縣屬奉聖州攷異孫承澤北平古今記云統和四年命皇族廬帳駐東京延芳淀是東京亦

有延芳淀也清類天父分野之書潮縣漢泉州地遼故潮陰縣金因之元升為州今裁併通州聖宗紀統

和十二年正月潮陰鎮水漂溺三十餘村詔疏舊渠天祚紀乾統四年鳳凰見於潮陰蔣一葵長安客話

云洞河在縣東四里即運河也四水會流故名故城在通州城南四十五里見明一統志又張祥潮縣志

云獨秀園亭在縣北二里遼司徒郭世珍建徐昌祚燕山叢錄云潮縣得仁務有三大冢其西北有洞最

深有燈熒然擲以瓦礫則矢外射蓋遼金諸人家也

奎史記序本下
卷二十一
上

十四年十一月乙酉奉安景宗及太后石像於乾州

十五年秋八月丁酉帝獵於平地松林

攷異方輿紀要云龍門衛

西十里有大松山上多古松宋天禧四年隆緒如駕

以萬計奇絕者多生石罅中者數十圍龍鱗班

原口北多松柏蔽雲千霄爲千里松林卽平地松林

也在臨潢府地今克什克騰旗西北所載較詳太后誠曰前聖有言欲不可

縱吾兒爲天下主馳騁田獵萬一有銜橛之變適貽

予憂其深戒之

攷異馬得臣傳南京人由政事舍人歷諫議大夫知宣徽院事時上擊鞠

無度上書諫言宜以唐太宗元宗爲法不當輕萬乘

何帝嘉嘆卒贈太子太保紀載於統和七年得臣疏

誅擊毬有三不宜宜念繼承之重止危險之戲等語

與傳畧異郭造卿永平府志云鷹而生犬途史以之紀異凡北方皂鵬作巢所在官司必令人窮巢探卵

較其多寡如一巢而三卵者置卒守護日視之及其
成穀一乃狗耳取飼以進於朝狀與狗同但耳尾上
多毛羽數莖田獵鵬則戾天狗則走陸所逐同速名
曰鷹昔狗熊大古冀越集記云胎生卵生分毛羽二
族余經上都過鵬巢站吏指山上穴曰往年鵬
窠其中生三卵一為鵬一為犬一為蛇心竊疑之後
於脫脫丞相家見一犬坐客咸指為鵬窠所生則知
向者為不誣也張舜民使遼錄云北地鵬窠中生獵
犬極難得今駕前有二隻性頗異每獵而獲十倍於
常犬北人取法飲以醕酒於腋間破之取去少肉然
亦十喪八九也

十七年秋九月庚辰朔幸南京南侵宋冬十月癸酉
攻遂城不克遣北府宰相蕭繼遠即繼先史有傳字
子尚齊國公主屢將兵未嘗失利但紀書繼遠而傳
稱繼先且外戚公主表只載繼先事跡均同的係一
人取狼山鎮石砦次瀛州擊敗宋兵擒其將康昭裔

宋順進拔樂壽縣等班師

十八年春二月幸延芳淀夏四月己未駐蹕清泉淀

五月丁酉清暑炭山

攷異順天府志云衍法寺有勅建碑在阜城門外大街路北明

碑二一李東陽撰一楊一清撰寺後殿有遼尊勝陀羅尼幢記又施食幢僅餘下截上刻神像記曰伏聞護明下降爰欲度於四生調御出興遂震搖於六種恒施慈念廣建悲心示方便於三來發宏誓於四願教之惠施作苦海之津梁化以歸依指迷途之徑路比爲常宏釋梵永濟人天遷神忽現於緣周示跡故留於遺法遂有封秩於堂殿或乃刊勒於碑幢諷諷者福不唐捐誦誦者功超遠劫若乃輕埃霑處微影覆時非惟獲果於未來兼亦除殃於過去者莫若佛頂尊勝陀羅尼矣翊爰從稚齒幸忝趨庭才逾辨李之年旋稟學詩之訓遂乃自強不息溫故知新礪鉛刀而不愧雕蟲望金科而將期中鵠豈爲禍從天降運與願違立身才始於弱冠倏爾俄鍾於何怙邇後童稚孫閭悉捐子夏之書日往月來但泣高柴之血

其奈世同石火時若電光傷嗟未復於筋骸荏苒旋
逾於終制遂乃捫心靜算滌慮洗思深慙於聖代甘
閒又取於明時虛度是以編聯陋唱採綴蕪詞相度
始敘於行藏侯府驟昇於蓮幕粉幃蘭省數年而幸
忝優游典郡倖戎兩鎮而謬經履歷至若貳留三使
仗鉞擁旌蓋嚴訓之所致也今於墳所建斯幢者奉
爲薦考妣之亡靈也亡考長官世襲簪裾性惟清慎
守謙恭則無爽五常蘊敏惠則洞開二教爰因筮仕
著功勤而早遂科名不願字人歎徒勞而終歸里社
亡妣夫人浮陽茂族鄒魯名家稟親教而洞曉婦儀
承閨訓而妙熟女史加姿理態逸從夫之淑慎遐
彰儀靜體閑守德之功容備著豈謂因纏微恙莫駐
盛顏畏日煦而花露俄零悲風扇而香魂忽散翊念
茲永訣痛切追思早年雖備於送終繼日徒嗟於不
逮是以特抽靜俸用構良緣市翠琰於靈巖命奇工
於帝里罄之巧思運彼殊材次鵠鶴以翔空列俊猊
而繞座匪圖壯麗悉去繁華惟仗聖言以資冥魄雲
盤雨泛如聞甘露之香寶鐸風搖似聽苦空之韻多
多盛事一難宣靡托高才貴形靈而勿替時統和
獸依聖影以獲安孝子順孫薦

十八年歲次庚子四月戊申朔七日甲寅而時大同
 軍節度管內觀察處置等使金紫崇祿大夫檢校太
 保使持節雲州諸軍事雲州刺史兼御史大夫上柱
 國隴西縣開國男食邑三百戶李翊弟將仕郎守秘
 書省校書郎懿建幢

二十一年夏四月耶律諾觀原作奴瓜蕭達林原作捷廩獲宋

將王繼忠於望都太后釋之用為戶部使攷異方輿紀要云宋

咸平六年高陽關將王繼忠為契丹所獲見其主隆
 緒於炭山在宣化府西百二十里灤水所出亦曰涇

頭契丹嘗游獵於此有涼殿蕭后納涼所也炭山西
 即契丹室韋相連之地按此炭山在今宣化府萬全

衛西南即歸化州之涇頭非遼
 初建城於灤河上之炭山也

二十二年秋閏九月己未太后與帝大舉南侵宋與

戰於唐興大敗之嗣屢戰不利冬十一月壬申次澶

淵蕭達林

原作捷獮

中伏努死師大挫岷會宋眞宗自將

來禦遂用王繼忠言與宋約和而還自是信使不絕

太后有機智每侵宋親被甲督戰及通好亦出其謀

惟性殘嗜殺耳十二月戊子宋遣李繼昌結和以太

后爲叔母即使閤門使丁振報謝遂班師

攷異析津志云報先

寺有遼聖文神武全功大畧聰明睿孝天祐皇帝御書法嚴經覺林菩薩偈元一統志云法寶寺在舊城遼統和二十二載祕書省校書郎伏正己撰幢記杜永祚舍地基建寺

二十四年春正月如駕驚濤夏五月壬寅朔幸炭山

清暑幽皇太妃呼紐

原作呼輦

於懷州幽夫人伊蘭

原作夷懶

於南京餘黨皆生瘞之

攷異畢沅續通鑑呼紐作和罕舊作和輦伊蘭作伊勒蘭

遼史紀事本末

卷二十

古

舊作夷懶云明年皆賜死李壽長編疑爲太宗第二子齊王妃卽太后姊也云王死自稱齊妃領兵三萬屯驢駒兒河見番奴撻蘭阿巴美召侍帳中蕭氏繫撻蘭阿巴扶以沙囊四百而南之踰年請於蕭后以爲夫使西捍韃韃盡除之因謀奔瓜里佳秋九月幸國作亂后奪其兵命領幽州所載甚異

南京冬十月庚午朔帝率羣臣上太后尊號

二十七年冬十二月乙酉太后不豫戊子肆赦辛卯

太后崩於行宮

攷異契丹國志云帝親政方一月太

請改元不許終制三年后天性伎忍陰毒嗜殺次女

曰長壽奴適后姪東京留守悖野又次曰延壽奴適

悖野母弟指頭延壽奴出獵爲鹿所觸死后縊殺指

頭以殉后次姊適趙王王死趙妃因會飲毒后爲婢

所發后諡曰聖神宣獻後更曰睿知年五十七葬乾

陵攷異東都事畧云先是蕃民毆漢人死賞以牛馬

漢人則斬之仍以其親屬爲奴婢后一以漢法論

與耶律隆運通遣人縊殺其妻又幸醫工迪里姑有
私議其醜者輒殺之隆緒畏之莫敢言契丹國志亦
謂隆運有辟陽之寵聖宗紀卽位之十二月甲子達
爾罕納旺舒克醉言宮掖事法當死杖而釋之究未
明言其事達爾罕原作達刺干卷十統和二年準布
酋長達刺干另一人納旺舒克作乃萬干卷六十一
刑法志作乃方十係一人畢沅
續通鑑作達喇干廼曼實又異

遼史紀事本末卷二十

遼史紀事本末卷二十一

賜封資政大夫特賞內閣中書前江西峽江訓導萍鄉李有榮編纂

耶律隆運柄用

張儉事附

景宗乾亨元年秋七月辛丑以權知南京留守韓德

讓禦宋有功賜詔褒獎德讓薊州

攻異熊相薊州志云盤山一名盤龍

山在薊州城西北二十五里高二千餘仞周百餘里

勢磅礴而盤桓因名山北數峯陡絕而紫蓋宿猿尤

奇特最高日上盤稍卑日中盤東行十餘里怪石突

起曰白崖上有古寺七十餘所釋智樸盤山志云山

巔有雲罩寺爲寶積禪師卓錫地一名降龍菴東嶺

有舍利塔中藏戒珠十六顆佛牙一具遼太康中釋

惠深輩曾有碑記又九華峯有寺曰千像卽祐唐寺

遼乾亨二年僧希悟重修刻千佛像有統和五年碑

知薊州軍事判官李仲宣撰文沙門德麟書附錄仲

宣講堂碑記曰夫幽燕之分列郡有四薊門爲上地

遼史紀事本末

卷二十一

一

方千里籍冠百城紅稻青稈實魚鹽之沃壤襟河控
嶽當旗戟之奧區於占堞之外西北一舍有盤山者
乃箕尾之巨鎮也深維地軸高闢天門煥碧凝霄寒
青壓海珠樓旋室仰窅窈於崑邱寶洞瓊臺耀磅礪
於恒嶽崆峒左倚太行右連懷珠之水派其陽削玉
之峯峭其後嶺上時興於瑞霧谷中虛老於喬松奇
樹珍禽異花靈草絕頂有龍池焉向旱歲而能興雷
雨巖下有潮井焉依旦暮而不虧盈縮於名山之內
最處其佳此境舊有五寺祐唐者乃備其一自昔相
傳有尊者挈杖遠至求植足之所僧室東北隅巖下
有澄泉恍惚之間見干僧洗鉢瞬息而泯因茲構精
舍晏坐矣厥後於谿谷澗石之面刻千佛之像而以
顯其殊勝也雖雨漬苔班陞儀相而猶在陽舒陰慘
流善譽而不墮向此藍垣之北長松之下有大石焉
重萬餘鈞或遇敬信者微觸而動迄今遊閱之士冠
蓋相望四序不絕於阡陌也當昔全盛之時砌疊龍
蟠檐排鳳翅晨鐘暮磬上聞兜率禪宗律學宛是祇
園駢闐可類於清涼赫奕遙同於白馬乃法侶輻輳
之鄉也爰自大兵之後並已燼滅由謂物不可以久
廢故享利於德人德人者卽寺主大德乃當寺之景

派也厥本惟裔其神不測苦隨念盡樂與人同化六
趣之茫然歸十方之安穩年臘未晚行業彌高既多
有積之聞宜示無窮之積寺主大德俗姓琅耶氏釋
諱希悟鎮陽夏博人也爰自聚沙之歲禮當寺主
在楚禪師授法焉勦除五蓋慕別四生舍慾棹而誓
汎慈舟棄毒藥而願食甘果年二十詣長興寺具尸
羅由弘宏願延僧一十萬次第竟矣於是謂其友曰
聞二儀舒慘四序推遷人生幾何歲不我與覽斯基
陞孰忍淒涼野鹿羣麋畫夜而草眠香徑壞碑毀塔
高僧而蔓挂藤蘿玉毫消盡於華髮鐘磬罷聞於
懺上漏下濕日就月將徐興再造之心爰起從新之
務於是乎技榛練力用經營移怪石而截斷雲根伐
灌木而摧折煙色應歷十二年化求財養蓋佛殿一
坐築櫺娟妙丹牒鮮新塑佛中央圖像四壁保甯四
年又建厨庫僧堂二座俾爨饌之有所作也賓旅之
有所歸也乾亨二年加授紫衣載議門迎廣陌地處
幽涼虞生肇之徒見臨顧講讚之所交闕乃於僧室
之陰壘磧磧之石滄瑟瑟之泉高廣數畝駢羅萬樹
薤蔭沙礫俯就基坳而又請邑人釀緇聚賂四遠之
樂施者如鱗介之歸巨海也既乃市木雲嶠采石煙

巖窮斧斤之功極磨礱之妙初心才啟大履攸成式
導昏衢彌光世德其堂也保甯十年荆建帶雲川之
瀝灑總遠岫之峩峩東觀種玉之田西拔築金之闌
蘭檻鏤彩桂柱凝丹月入秋窗風含夏戶檐外之杉
松郁鬱檻前之煙水潺湲所貴安茲芻僧置俊狻座
高談玉偈然慧炬而絕煩惱薪妙演金文揮智刃而
剖無明殼長依佛住永壓山門對延靈岫之峯闢說
瑜伽之旨此皆邑人等心猶慕善志乃忘筌知浮生
石火以難停覺幻質風煙而易滅各抽淨施共構良
因卽寺主希悟大德激勸之所致也緣惠之所被也
厥外井有甘泉地多腴壤閒栽珍果綦布蔬畦清風
起兮綠榦香細雨霽兮紅葵茂載諒鴻基必葺白足
咸來其供給之費恒不闕於祇瞻者大德寺主力辦
也蓋惟寺主大德道洽空有識洞幽冥全資化導於
多方以至國成於能事所冀皇朝永安神業矣相國
長調鼎兼矣京尹之仁無秕稗矣郡牧之信及竹童
矣一切含靈同霑樂利一切惑溺並向真如爰述懿
徽俾雕翠琰其邑人姓氏具列碑陰俾宣靡職之歲
華橫方成命修辭以序之序之伊何卽爲銘而記之
銘曰峭壯靈峯掀興華宇式開講肆用陳法侶物置之

人多利圓三寶庶幾乎作善之祥傳名曠古統和五
年歲次丁亥四月八日盤山志又載遼少府少監龔
州南抃上方感化寺碑記云噫西聖人教旣一唱而
東也應而和者其徒半天下是以城閭邑聚塔廟日
興後數百年競相高以奢麗有大苾芻衆樂諸阿蘭
若巖居野處如鷲峯鹿苑者比比而是方之城邑則
又過焉漁陽古郡之西北叢岫迤邐其勢雄氣秀曰
田盤山岡巒倚壘富有名寺而感化者舊號元宮物
無常名事窮則變會幽州主帥清河張公奏請之故
因以是額易其前號獨亢爽清勝確乎不移旣時腋
乎羅幘又襟袖於列刹故自往昔目爲上方非諸信
舍財而附益高流擇地以來集則何以增崇垂遠至
於是哉魏太和十九年無終縣民田氏茲焉營辦唐
太和咸通間道宗常實二大師前季後昆繼踵而至
故碑遺像文述具存爾後人多住持處亦成就布金
之地廣在山麓法堂佛宇敞乎下禪寶經龕出乎上
松杉雲際高低相望居然繡局殆至三百自師資傳
衣而後無城郭乞食之勞以其規始以來占籍斯廣
野有良田百餘頃園有甘菓萬餘株清泉茂林半在
疆域斯爲計久之業又當形勝之境宜乎與法常住

如山不壽是使居之則安不爲爭者所奪奈何太康
初都者侵境割據巖壑關諍堅固適在此時徒積訟
源久不能決先於薊之屬縣三河北鄉自乾亨前有
莊一所開土三十頃問藝麥千畝皆原隰沃壤可謂
上腴營佃距今卽有年禩利資日用衆實賴之大安
中燕地遺括天荒使者馳至按視厥土以豪民所首
謂執契不明遂圍以官封曠爲牧地吞我林麓旣如
彼廢我田壤又若此使庖舍缺薪蒸之供齋堂乏餅
餌之給可歎香火而至於使僧法雲暨法道次言
及衆曰先世有所遺籍吾儕不能嗣守亦空門之不
肖者也安忍坐受其弊拱默而已相與詣闕陳訴歷
官詳論一旦得直其誣兩者復爲所有尋奉上命就
委長吏辨封立表取其舊爲定自是樵爨耕穫之利隨
用而足以小太協力始終一心而令釋氏家肥不減
疇昔赫矣能事於前有光雖汝陽歸己侵之疆興平
還旣奪之地不是過也乾統六年冬老比丘崇簡與
前薊州管內都綱提點寺事沙門士賢元悟上座僧
士佩都知僧圓淨等以始末紀石爲請會余有故不
果頃又走書來速文勤至再三豈可無述夫藏用於
形迹者莫妙於理智顯用於事爲者莫大乎勢力佛

之道理與智也宏之在人勢與力也若茲寺者僚哉
攸在法相所寄智與形會理隨事集向內不資徒侶
之力外不託主臣之勢則有所廢矣孰能興之今豪
奪者止誣取者與使禪杖律裔保有其業良以此也
後之補處是者其念之乎
乾統七年春正月元日 玉田人後賜姓耶律名隆

運爲中書令知古孫燕王匡嗣子重厚有智畧明治

體建功立事景宗嬰疾蕭后與決國政加東頭供奉

官充樞密院通事轉上京皇城使攻異畢沅續通鑑云遷授彰德節度

使自是日見進用代其父匡嗣爲上京留守甚有聲譽尋復

代父守南京時人榮之宋兵取河東侵燕五院糺詳

袞原作希達原作奚底等敗歸宋人圍城人心洶懼德讓

與耶律學古等日夜登城守禦甚力援軍至圍解及

皇史紀事本末 卷二十一 四

戰高粱河宋兵敗走德讓邀擊又破之以功進遼興
節度使詔褒獎之

三年冬十二月以韓德讓爲南院樞密使

四年秋九月壬子景宗崩於焦山行宮德讓與色珍

原作等受顧命

攷異畢沅續通鑑云主獵於詳古山不豫德讓不俟召率其親屬赴行

斜軫
白皇后易

立梁王尊蕭后爲皇太后稱制德讓總

置大臣

衛事太后益寵任之時主少國疑宗室擁重兵內外
震恐德讓勸太后勅諸王歸第不得私相燕會奪其
兵權人心大定

聖宗統和元年加韓德讓開府儀同三司

攷異耶律和克傳原

作虎古字海南六院額爾奇木迪里孫保寧初使宋還言宋必取河東與匡嗣忤統和初爲涿州刺史召赴京師與韓德讓復以事相爭德讓怒取護衛所持戎仗擊其腦卒德讓傳及聖宗紀均未載和克子穆爾古字道隱官北院大王統和七年伐宋爲先鋒卒於軍事見前

三年冬十一月以韓德讓兼政事令

四年春三月宋將曹彬等分三道來侵韓德讓從太

后出師敗之加守司空封楚國公師還與北府宰相

室昉共執國政奏復山西今年租賦攷異宏簡錄云

守司徒紀未載食貨志云帝嘗過藁城縣伊實威部下婦人迪輦等黍過熟未穫遣人助刈太師韓德讓

言兵後通民棄業禾稼畝募人穫之以半給獲者政事令室昉亦言山西諸州給軍興民力凋敝田穀

多躡於邊兵請復今年稅按統和七年二月雲州租稅請止輸本道從之三月禁芻牧傷禾稼八年五月

登史記有本卡

詔括民田九年正月詔免三京租賦仍罷括田十年
八月觀稼仍遣使分閱十月詔定均稅法十三年正
月增泰州遂城等處賦四年以南京新定稅法大重
減之開泰元年詔年穀不登田園蕪穢給牛種以助
之太平八年正月詔州縣長吏
勤農均見續通考所載甚詳

六年夏四月乙未幸南京丁酉太后親擊鞠呼勒希

原作胡里室攷異畢
沅續通鑑作瑚理實突韓德讓墜馬命立斬之九月

丁酉太后幸韓德讓帳厚加賞賚命從臣分朋雙陸

以盡歡癸卯從太后南侵宋冬十月戊午攻沙堆驛

敵乘夜來襲德讓嚴軍以待敗走之十一月庚寅從

聖宗擊敗宋兵於長城口殺獲殆盡攷異食貨志云
六年霜旱災民

饑詔三司舊以稅錢折粟估價不實其增以利民又
徙濟必塞居民三百戶於檀順薊三州擇沃壤給牛

種穀十三年詔諸道置義倉歲秋社民隨所獲戶出粟府倉社司籍其日歲儉發以賑民十五年詔免南京舊欠義倉粟仍禁諸軍官非時畋牧妨農此皆德讓當國時事紀傳均未載

七年春正月癸未朔班師二月乙卯大饗軍士封韓

德讓為楚國王攷異契丹國志隆運由遼州節度使改同知燕京留守遷平州節度使

樞密使兼行營都部署以輔立功守司徒封晉王加尚書令賜以几杖入朝不拜上殿不趨宏簡錄謂由司空守司徒傳均未載志所載尚書令史作贈官所載各異

十二年秋七月以韓德讓代室昉為北府宰相仍領

樞密使監修國史賜號興化功臣奏三京諸鞠獄官

吏多因請託曲加寬貸或妄行榜掠乞為禁止詔從

之又表請任賢去邪太后喜優加賞賚先是丁母憂

詔起復之及服闋加守太保兼政事令

十四年夏四月己亥鑿大安山取劉守光所藏錢

攷

畢沅續通鑑云時遼鑿大安山取劉仁恭所藏鐵錢

散諸五計司兼鑄太平錢新舊互用自是錢幣充溢

蓋本薛史僭偽傳及冊府元龜之說謂仁恭瑾泥爲

錢飲銅錢於大安山藏之而聖宗紀及食貨志仁恭

作守光稍異又冊府元龜云仁恭所藏錢係石穴共

數百萬藏畢殺匠以減口敗後莫知處所竟無所得

又異食貨志云鼓鑄之法先代色勒迪爲額爾奇木

以土產多銅始造錢幣太祖用之以至富強太宗置

五治太師以總四方錢鐵石敬瑭又獻沿邊所積錢

以備軍實景宗以舊錢不足始鑄乾亨新錢錢用流

布聖宗得劉守光所藏錢兼鑄太平錢新舊互用至

出內藏錢賜南京諸軍司開泰中詔諸道貧乏百姓

有典質男女計傭價日以十文折盡還父母每歲春

秋以官錢宴饗將士錢不勝多故東京所鑄至清甯

中始用時詔禁諸路不得貨銅鐵以防私鑄又禁銅

鐵賣入回鶻法益嚴矣道宗錢有四等皆因改元易

名肉好銖數無所考第詔楊遵勗徵戶部司通戶舊
錢得四十餘萬鑑拜樞密直學士劉仲爲戶部使歲
入美餘錢三十萬鑑擢南樞密使又以災沴出錢振
貧乏及諸宮分邊戍人戶亦可謂富矣末年經費浩
穰國用不給雖以海雲佛寺千萬之助拒而不受尋
禁民錢不得出境天祚更鑄乾統天慶二等新錢而
上下窮困矣續通考劉仲作劉輝洪遵泉志云契丹
國天贊錢太祖所鑄徑九分重三銖六參文曰天贊
通寶穆宗改元應歷錢文曰應歷重寶與宗改元重
熙錢徑九分重三銖文曰重熙通寶道宗改元太康
錢有二品並徑九分重二銖四參以太康通寶太康
元寶爲文而董道錢譜以以太康通寶爲太康同寶未
知孰是錢譜又云統和元寶聖宗於宋天禧五年鑄
年鑄太平元寶聖宗於宋天禧五年鑄清甯通寶道
宗改元清甯鑄徑九分重三銖又改咸雍錢文曰咸
雍通寶宋治平二年鑄李季興諸蕃樞要云道宗改
元大安錢徑八分重二銖文曰大安元寶又改元壽
昌錢徑九分重二銖四參文曰壽昌元寶天祚改元
天慶錢徑九分重二銖四參文曰天慶元寶趙志忠
北廷雜記云景宗朝置鑄錢院年額五百貫則遼之

錢舊矣泉志又云千秋錢李孝美曰此錢徑三分
文曰千秋萬歲今其易得蓋常歲北使入貢人多貿
易得耳董道云遼國錢蓋近世所為云按重熙二十
二年閏七月長春州置錢帛司見興宗紀清寧二年
閏三月詔東京所鑄錢九年正月禁民鬻銅太康九
年七月禁外官部內貨錢取息十年六月禁毀銅錢
為器大安四年七月
禁錢出境見道宗紀

十七年秋七月癸卯魏王色珍卒命韓德讓兼知北

院樞密事尋拜大丞相進王齊總二樞府事遼一代

為大丞相者只韓德讓一人而聖宗朝為政事令者
德讓外尚有張儉蕭宏義宰相則耶律安甯蕭婆項
呂德懋左丞相則張儉右丞相則馬保忠平章事則
蕭道甯耶律章瓦盧俊蕭紹業北府宰相則蕭繼遠
蕭排押蕭孝穆劉晟劉慎行蕭普古蕭朴南府宰相
則耶律解頤耶律宏古耶律奴瓜劉慎行耶律滌冽
耶律吾刺葛耶律合葛大康父耶律狗兒均見沈炳
震廿一史四譜按劉晟即劉慎行諸誤分為二辨見

卷七以南京平州歲不登奏免百姓農器錢及請平諸

州商賈價從之

改異孫世芳宣府鎮志云統和十八年詔北地節候頗晚宜存後唐舊制

大小麥豌豆六月十日起徵至九月納足正稅匹帛錢穀地推麴錢等六月二十日起徵十月納足紀末載

十九年春三月壬辰賜大丞相韓德讓名德昌

改異畢沅

續通鑑云先是有圖魯卜者從伐宋嘗以言觸德昌怒詰之詞無所撓笑釋之至是薦其材可任統軍使太后曰彼嘗不遜於卿何善而薦對曰於臣猶不屈況於其餘若任使之必能鎮撫諸蕃從之按烏爾古巴傳字留隱學古弟官東路統軍都監德讓薦為統軍使載此事疑是其人

二十二年秋閏九月己未太后南侵宋韓德昌從及

澶淵許宋成而還徙王晉賜姓耶律出宮籍隸橫帳

季父房位親王上

攷異蕭呼敦傳曾祖達魯明醫統和中德讓貴寵達魯希旨請賜國

姓籍橫帳由是世預大醫選子孫入官者衆德讓傳未載蘇轍龍川別志云朝廷使曹利用與契丹講和坐利用見戎母於軍中與蕃將韓德讓偶在駝車上

坐利用下車饋之食共議和事利用許之史未書
二十七年冬十二月乙酉太后幸南京耶律德昌從行辛卯太后崩於行宮

二十八年夏四月甲子葬太后於乾陵改賜耶律德昌名隆運賜田宅及陪葬地

二十九年春正月乙亥朔聖宗伐高麗師還耶律隆運從三月己卯隆運構疾卒於軍時帝與后親視醫藥年七十一

攷異李燾長編云蕭后與隆運通隆緒親書錄劄讀於北斗下以賜之置護衛

百大思教優渥秦齊三王每日一問起居至帳二里
動下卓徒步進同仍列揖於帳外隆運坐受之帝或
外其帳亦五十餘步下車隆運出迎盡禮帝亦先為
至其入內同家人禮飲膳服食盡一時珍奇諸國爭
為奇怪入貢動駭耳目隆運疾帝與后薦告山川召
蕃漢名醫診視朝夕不離左右史多未載畢沅續通
鑑云隆運卒以耶律實不離左右為北樞密自隆運
院職多曠廢實嚕拜命之日朝野相慶當隆運病遼
主問誰可代卿者薦耶律世良因使代實嚕為北院
大王實嚕傳原作室魯字伊實楊六院部人封韓王
從上獵松林至沙嶺卒年四十四贈守司徒政事令
二子烏魯斯官西南招討使實神努南院大王按聖
宗紀奚王府監軍實嚕為南院大王宏簡錄同傳未
載南院贈尙書令諡文忠哥國舅族諡欽肅右丞相
及監軍贈尙書令諡文忠哥國舅族諡欽肅右丞相
杜防涿州人諡元肅北樞密蕭孝穆諡貞南京留守
蕭孝先諡忠肅西南招討捷不野孟父房後諡貞憫
中京留守耶律良著帳郎君後諡忠成上京留守姚
景行興中人諡文憲北樞密耶律幹特刺諡敬肅中

京留守寶景庸中京人諡憲肅平章趙徽南京人諡
文憲南樞密耶律仲禧析津人諡欽惠知樞院耶律
儼仲禧子諡忠懿司徒馬人望諡文獻北府宰相楊
遵勗范陽人諡康懿遼臣之賢而有功得賜諡者止
此故據史錄給葬具立廟乾陵側與宗廟同堂配享
之詳謹法考給葬具立廟乾陵側與宗廟同堂配享
者不同然在乾陵側亦有配享意後重熙二十一年
年八月太尉烏者薨配享聖宗廟遼時配享止此帝
后以下親爲制服喪葬禮一依承天太后故事李燾
長編云祥符二年太后殂隆運卒與太后同柩而
葬按祥符二年乃遼統和二十六年史稱太后崩於
二十七年隆運卒於二十九年相隔三隆運自爲相
年則同柩而葬之誣不辨自明今從史
結歡宋朝修睦無間中外帖服靡有邪謀故始終眷
遇鮮與倫比攷異契丹國志云隆運兄弟九人皆封
度使部署等隆運卒無子帝特以魏王特布原作子
官所載較詳

雅魯

原作耶魯攷異卷十二聖宗

爲之嗣

攷異東都

裕子周王宗業爲之子

天祚立以皇子額魯溫

原作敖

繼之

同時張儉宛平人性端慤不事外飾舉進士第一

攷

景宗紀保甯八年十二月詔南京復禮部貢院不言其設科取士至統和六年始開科選舉放高第一人

然林烓章易水志保甯九年有進士魏璟則是時既

開貢院卽有進士或未及行於他處耳因考聖宗紀

統和六年詔開貢舉一人及第七年八月放進士高

正等二年人及第八年鄭雲從等二人九年石用中一

人十年王熙載二人十四年張儉等三人初錫四年李可封

等二月王用極二人楊文立二年邢祥六人二十二年李可封

年南承保三十八年楊佖等二十四人二十六年史克恕

十三人二十四年御前試劉二宜三人二十九年史克恕

高承顏三十七年泰元史簡十九人二年鮮于茂昭

六人六年張用行三十一人五年孫傑四十八人七

遼史紀事本末卷二十一

年張克恭三十七人九年張仲舉四十五人太平二年
年張漸四十七人四年李炯四十七人五年授官有一月
命進士賦詩第七工拙得張昱等七十七人遼東防城進士
八年張宥五十七人九年十一月興宗立放劉貞五
張人紀趙陸等二十七人六月興宗立放劉貞五
七人重熙元年師貞五十七人六月興宗立放劉貞五
以日射三十六年熊賦幸燕詩試進士於廷放馮立趙
歲四十九人第五并授官御試進士自此始七年六月
邵彭年五十五人第八人一年六月王實六十四人五月
年六月王棠六十八人清甯元年六月張孝傑四十四人
士未載人數道宗紀清甯元年六月張孝傑四十四人
年梁授百一十五人八年六月王鼎九十三人咸雍二
年張臻百一十五人八年六月王鼎九十三人咸雍二
戊辰親出題試進士丙子御永安殿策賢良太康五
年六月劉瓘百一十三人九年六月李君裕五十一人
二年五月張穀百一十三人壽隆元年六月劉衡南百
冠尊文五十三人壽隆元年六月劉衡南百
年康秉儉八十七人天祚紀乾統三年馬恭同百
人七年李石百人九年劉禎九十八人王建福元年李寶信
七十七人八年王鵬百三人魏王福元年李寶信

十九人又以李夔陳祕等高舉一大計皆賜進士授官永
樂大典統和六年書放舉一及第蕭如德興元
年李球百八人此遼一代科舉始未備此又重熙中
帝欲賜張儉第五人皆進士第儉辭乃止耶律蒲魯
舉進士第王文以契丹無舉進士之條奏上杖其父魯
庶箴二第統和中宋進士挈家來歸者十七人命有
司考其第者授以官契丹國志云遼三歲一試進
士殿試臨時取旨第一官契丹國志云遼三歲一試進
奉文試臨時取旨第一官契丹國志云遼三歲一試進
武將軍吳君阡表曰君諱璋字器正姓吳氏石晉時
有官獻州從少帝北行又自遼陽遷泰州其子孫
遂爲長春人六世祖匡嗣遼開府儀同三司同中書
門下平章事陳國公五世祖吳威雍熙十年劉霄榜登
科按霄後仕金爲侍中在眞定發策試進士以徽宗
無道欽宗失信爲問褚承亮不對而出見周密癸辛
雜志又林烜章易水志統和二有魏上達五年魏
元眞涿州王言甫於天慶二年試律學第一除
參軍見唐舜卿涿州志今附錄於此以備考
中幕官故事車駕經行長吏當有所獻聖宗獵雲中

節度使進曰臣境無他產惟幕僚張儉一代之寶願以爲獻先是帝夢四人侍側賜食人二口至聞儉名

始悟召見容止朴野訪及世務占奏三十餘事由此

積遇特異踐歷清華號稱明幹

攷異績通考云統和中邢抱朴官參政用

樞密韓德讓薦按察諸道吏守令能不而黜陟之大

協人望尋詔諸所保宋人有官吏抱器能者具以名

聞官衛德升等六人重熙九年十二月詔東京留守蕭

民安邊之畧者悉具以聞十年十月詔東京留守蕭

孝忠舉察清廉者具以實聞又重熙中劉伸鎮崇義

政務簡淨民用不擾致烏鵲同巢之應詔褒遷其官

所載甚詳開泰中累遷同知樞密院事太平五年出爲武

定節度使改大同六年入爲南院樞密使進左丞相

封韓王

攷異績通考云後徙王陳畢沅績通鑑云兼政事令遼主眷倚參政吳叔達與儉不相能

主怒出叔達爲康州刺史聖宗紀康州作東州稍異
又開泰五年秋大獵帝射虎不中將犯澤雲州陳昭
衮直前殺之帝喜設燕賜以酒器加節鉞命儉及呂
德懋賦詩以美之見本傳昭衮本作扎衮小字旺玖
原作王九西南招討都監歸義節度使卷二十二道
宗太康四年二月耶律旺玖爲特哩衮官至南府宰
相旺玖亦作興宗立受遺詔輔政拜太師中書令加
王九另一人
尙父進見不名賜詩褒美性儉素食不重味一敝袍
三十年不易月俸有餘賙給親舊在相位二十餘年
裨益爲多致政歸會帝欲侵宋幸其第問策儉極陳
利害帝悅而止攷異李燾長編云河北旣罷兵知雄
州李允則治城壘不輟主問儉曰聞
南朝尙修城備得無違誓約對曰李雄州爲安撫使
其人長者不足慮帝聞而責之奏曰初通好不卽完
治他日頽圯安敢動因此廢守備臣恐遼難測也上
然之上元舊不燃燈允則結絲山聚優樂使民縱遊

遼史紀事本末

卷二十一

士

明日偵遼帥欲間入城中觀允則與同僚伺郊外果
有紫衣北人至比夕與俱入傳舍不交一語出妓女
羅倚左右劇飲而罷且置其所乘驢廡下遁去即幽
州統軍也後數日爲遼所誅又得遼謀釋縛厚遇之
謀言燕京大王遣來因出所刺沿邊金穀兵馬數允
則曰若所得謬矣呼主吏按籍書實數與之謀請加
絨印厚金遣還未幾謀遽至還所與數絨印如故反
出遼中兵材力地里委曲以爲報有卒亡入遼中
移文索還答以徇後無敢亡者在雄州十四年近臣
能及之蘇轍龍川別志云時謀者常告敵中要官遣
人至京造茶籠燎鑪允則亦使倍與直作之纖巧無
毫髮之異且先期攜至權場令蕃酋遍觀之知蕃官
所作已過乃不復出敵中相傳謂允則則知有姦
變蕃官無以自明乃自殺張舜民畫境錄允則則作
則云北人信誓兩界非時不得葺理城堞元則知雄
州欲展城無由作銀香爐置城北土堂使人竊取
之遂大喧索辭連北疆紛紜久之因與工起築今雄
州城北是也又建浮圖九層下瞰幽境如指諸掌司
馬光涑水紀聞又作允則事銀香爐作銀器五百兩

稍異重熙十二年卒年九十一功著兩朝時稱賢相攷
續通考云儉字師約兄文師弟延師並光祿大夫門
皆列戟人號三戟張氏傳未載時楊佖字正叔南京
人幼穎悟讀書自能成句終吏部尚書平章事所著
有登瀛集契丹國志云馬保忠營州人謹重寡欲太
平中授洗馬改殿中丞興宗朝爲樞密使尙父守太
師兼政事合封燕國公嘗上言強天下者儒道則鄉
下者吏道今之授官大率吏而不儒崇儒道則鄉黨
之行修德行之則冠冕之緒崇自今非聖帝明王孔
孟聖賢之教者願下明詔痛絕之其篤意風教如此
卒諡剛簡時興宗爵賞濫除授無法保忠疏諫言闕
家起自朔漠奄有幽燕量才授官人始稱職今臣下
衆養承平無動可陟宜且序進之帝哂然怒史未立
傳而使宗紀太平四年四月右丞相馬保忠之子世
宏使嶺表至平地松林爲盜殺詔贈昭信節度使并
附錄以
備考

遼史紀事本末卷二十一

遼史紀事本末卷二十二

地封資政大夫 特賞內閣中書前江西峽江訓導萍鄉李有棠編集

色珍戰績

景宗保甯八年夏六月以西南面招討使耶律色珍

原作斜軫致異聖宗紀開泰二年西南招討使斜軫另一人 爲北院大王色珍字

韋隱德時原作部人後見皇族表傳未載 裕悅原作

于赫魯原作孫性明敏不事生產保甯元年樞密使

蕭思溫薦其有經國才景宗曰朕知之第佚蕩豈可

羈屈對曰外雖佚蕩中未可量乃召問以時政占對

愷切帝器重之妻以皇后之姪命節制西南面諸軍

仍援河東擢南院大王改北院

乾亨元年春二月丁卯漢以宋兵壓境乞援命色珍以所部從都統耶律沙赴之時宋再攻河東色珍從耶律沙行至白馬嶺遇敵沙等戰不利色珍救之令麾下萬矢齊發敵氣蹙而退 夏六月宋師滅漢乘

勝來侵北院大王希達

原作奚底

統軍使蕭托果

原作討古等

逆戰敗績自沙河退屯清河北色珍取希達等青幟軍於得勝口以誘敵敵果爭赴因繞出其後奮擊敗之秋七月癸未耶律沙等及宋兵戰於高粱河少郤色珍與休格

原作八哥

分左右翼橫擊大敗宋軍九月己

邴卨珍等奉詔率所部兵從燕王韓匡嗣南侵宋匡
嗣兵敗於滿城

四年夏四月景宗自將南侵至滿城戰不利守太尉

奚幹里

原作
五里

中流矢死統軍使耶律善補爲伏兵所

圍樞密副使卨珍救之得免

聖宗統和元年夏六月丁未命卨珍守司徒拜北院

樞密使時景宗崩聖宗幼蕭太后臨朝益見委任

攷異

名山秘錄云后有琥珀杯二枚形如半桃核合之無
縫容酒半升許每朝會酌賜有功大臣當時惟斜軫
得賜數次國人榮之史未載命帝與卨珍於其前易弓矢鞍馬約

以爲友

三年秋八月癸酉命色珍為都統與監軍駙馬都尉

蕭懇德攷異宏簡錄作勤德同領兵討女直

四年春正月丙子色珍等上討女直所獲生口十餘

萬馬二十餘萬匹遣近侍尼勒堅原作泥里吉持詔旌其

功勞以酒果二月甲寅色珍等來朝行飲至之禮賞

賚有差三月宋將曹彬等分三道來侵帝奉太后

帥師救燕以色珍為山西兵馬都統尋賜密旨及彰

國節度使雙寬原作杓宸印以趣征討攷異儀衛志云雙寬驚鳥之總名以

為印紐取疾速之義行軍詔賜將軍用之道宗賜耶

律仁先鷹紐印即此又查吏部印文曰吏部之印銀鑄以印文官制詰兵部印文曰兵部之印銀鑄以印軍藏封詰北南樞密院契丹漢人諸行宮部署中書

省印並銀鑄文不過六字以上以銀硃爲色南北正
以下內外百司印並銅鑄以黃丹爲色諸稅務以赤
石爲色所
載甚詳
夏四月戊申詔兩部突騎赴蔚州將軍華

格原作哥統平州兵馬橫帳郎君努克原作奴哥攷異卷二十八天祚

天慶八年奴哥爲黃皮室都監郎君伊里原作哥爲北

府都監各以步兵赴蔚州以助色珍庚戌以色珍爲

諸路兵馬都統五月癸未色珍遣判官博諾原作蒲奴攷異

永樂大典作蒲姑汪輝祖遼史同名錄云卷十七奚

六部大王姓蕭氏卷四十八百官志開泰末上京內

客省副使姓耶律奏復蔚州斬首二萬餘級乘勝攻

下靈邱飛狐時楊繼業取山西諸郡各以兵守自市

代州色珍至定安擊敗賀令圖軍追至五臺斬首數

萬級明日至蔚州敵不敢出書帛射城上諭以招慰

意陰聞宋軍來救命都監耶律托色

原作題子本傳字勝隱北府宰

相烏里孫從色珍敗賀令圖於定安

攻克蔚州進圍

實州冒矢石先登繼業之被擒托色功居多未幾從征至易州卒所載較詳餘詳卷六

夜伏兵險阨俟敵至而發城守者

見救至突出伏發擊其背內外二軍俱潰追至飛狐

斬首二萬級遂復蔚州賀令圖潘美兵復至逆戰又

敗之宋軍在渾源應州者皆棄城走捷聞賜博諸

原作

滿酒及銀器戊子召珍奏宋軍復圍蔚州擊破之六

月甲辰詔南京留守休格遣礮手西助色珍甲寅色

珍奏復實州

秋七月丙子樞密使色珍遣侍御訥

時召珍聞繼業出兵令蕭達林原作伏兵於路明旦

繼業兵至召珍擁眾為戰勢繼業麾幟而前召珍佯

退伏兵發仍進攻繼業敗走至狼牙村心惡之欲避

不可得眾軍遂皆潰繼業為流矢所中被擒攷異蕭

繼業率兵自代州來達蘭從召珍敗之擒業於朔州

耶律希達傳希達射繼業墮馬先是軍令須生擒業

希達以故不能為功似射業者希達擒業者達蘭所

載各異宋史亦云耶律奚底望見袍影射之奚底即

希達也本傳奚底又作奚低五代史達蘭作撻覽遼

史作撻懶字托紐舊作驢甯又耶律幹拉傳時為護

衛太保從破宋將楊召珍責之曰汝與我國角勝三

十餘年今日何面目相見繼業但稱死罪而已初繼
業在宋以驍勇聞人號楊無敵首建梗邊之策至是
爲所擒三日死我厚期討賊捍邊以報而反爲姦臣
所迫致王師敗績何面目求活耶乃不食三日死士
卒戰死無一生還者契丹國志云麾下百餘人皆從
死餘同史云但稱死罪蓋不足信又業之死史作七
月宋史作五月李燾長編契丹國志作八月所載各
異長編又云業早知書忠烈武勇有智畧練習攻戰
與士卒同甘苦代北苦寒人多服氈罽業但挾纈露
坐治軍事傍不設火侍者殆僵仆而業怡然無寒色
顧炎武昌平山水記云古北口城北門外有宋楊業
祠業以雍熙中爲雲州觀察使契丹陷寰州遇於雁
門北陳家谷口力戰不支被擒不食三日死忠矣然
雁門之北口非古北口祠於斯者誤也劉敞公是先
生集楊無敵廟詩云西北流不返日滔滔隴上猶歌七
尺刀鳴哭應知賈誼意世人生死兩鴻毛蘇轍樂城
集楊無敵廟詩云行祠寂寞寄關門野草猶知避血

痕一敗可憐非戰罪大剛嗟獨畏人言馳驅本為中原用嘗享能教異域尊我欲比君周子隱誅形聊足慰忠魂按古北口楊無敵祠顧氏以為誤攷劉蘇二詩在奉使時作則祠翔自遼日可知無敵忠義感動敵國又何論古北口之非陳邕珍以功加守太保攷

家谷也見厲鶚遼史拾遺

宏簡錄云

封魏王

異

六年冬十月乙卯帝南侵宋克涿州駙馬蕭勤德等

中流矢聞宋軍退命邕珍等追擊大敗之

十七年秋九月己亥帝南侵宋邕珍等從行癸卯卒

於軍

攷異宏簡錄作十九年九月

太后親為哀臨仍給葬具

太平八年冬十月邕珍孫婦阿古

原作阿咭

指斥乘輿其

孫古雲

原作骨欲

為之隱事覺乃並坐之仍籍其家

攷異宏簡

錄畢沅續通鑑與聖宗紀
色珍庶子格爾原作狗兒
攷異卷六
畧同本傳未載今從紀
十四皇子表聖宗子
南府宰相另一人
官至小將軍

遼史紀事本末卷二十二